

# JUSTIFICATIO

16

DUORUM

## SACRÆ THEOLOGIÆ PROFESSORUM UNIVERSITATIS DUACENÆ

Contra atroces calumnias libelli famosi, cui titulus *Lettre à un Docteur de Douay &c.*

Per Eruditissimum Dom. Philippum  
RIVETTE, S. Theologiæ Licentiatum ac Professore Regium, Insignis Ecclesiæ Collegiæ Sancti Amati Sedi Aostolicæ immediatè subiectæ Canonicum, & Còlegii Regii Regentem.

*Anno**M. D. C. XCI.*

# IUSTIFICATIO

## PROFESSORUM

UNIVERSITATIS ROSENENSIS

Conferentia de iustificatione, habita die 10. Martii 1611.

Per thesaurarium Thomam Philippum

RECTORI S. Theodoro

procuratori S. Theodoro

in iustificatione

et de iustificatione

et de iustificatione

et de iustificatione




NEW YORK



# PRÆFATIO

**P**RÆCLARE Augustinus in Pl. 118. conc. 27. *Crimen falsum, quod est calumniarum non facit hominem nisi apud iudicem hominem. Ubi autem Deus iudex est, nullus falso crimine læditur, quia non cui obicitur, sed obiciens potius imputatur.* Reposita est hæc consolatio mea in sinu meo, dum famam nostram tam dirâ flagellar calumniâ author Libelli, cui titulus: *Lettre à un Docteur de Douay &c.* Neque propterea silendum nobis. Nisi plene deluimus istud, cujus insimulamur, crimen falsum, aliud silendo incurrimus crimen verum. Quare tamen ex *D. Arnaldi Querimonia* ad Illustrissimum Episcopum Atrebatensem, ex *Epistola ad quemdam Baccalaureum* referente explicationes nostras dolose suppressas, denique ex *conclusionibus Theologicis*, quibus doctrinam nostram de Gratia & libero Arbitrio completimur, innocentia & adversarii fraus iniquissima orbi cæperit innotescere, merito tamen justificatio aliqua uberius à nobis effragitur, qua rem omnem, ut à nobis acta est, oculis subiciamus, atque præcipuas adversus nos accusationes refellamus. Id quingue sequentibus capitibus exsequimur.



## CAPUT PRIMUM.

An Professores aliqui Duacenses Conspirarint adversus  
Ecclesiam.

### §. I.

Conspirasse denuntiat Author Libelli, cui titulus: *Lettre à un Docteur de Douay* Pag. 1.

**Q**uem non perculerunt hæc verba. aut potius verborum fulmina, quibus Author ille horribilem orbi tempestatem denuntiat ingruere, esse Duaci Professores, qui spiritu erroris ac nefariæ conspirationis impulsu veram Christi Ecclesiam diruere, novam ac spuriam ædificare moliantur? Fort beureusement (inquît) pour le bien de l'Eglise, & pour l'honneur de vôtre

Université en est venu ces jours passez, en connoissance des malheureux desseins, què quelques Professeurs & Docteurs de Douay ont conclus depuis quelque temps contre la Religion. L'esprit d'écabac & d'erreur qui les possède, leur a fait former le plan d'une nouvelle Eglise sur les ruines de celle que JESUS-CHRIST a éboissée pour son Eponse. Tout est prest pour l'exécution de cét horrible projet; le formulaire de la nouvelle croyance est dressé, la profession de Foy est signée par les Apôtres du nouvel Evangile; on y trouve des Catechumenes & des Neophytes; il y a des articles communs pour les Prosélytes, il y a des mystères. & des articles de reserve pour ceux, qui sont entièrement initiés du parti; en un mot on y voit tout l'appareil d'une Eglise naissante que le Prophete appellerois Ecclesiam malignantium. Pl. 25. v. 5.

Ferte citi flammæ, quibus vindiceretur adeò execrandum facinus. Imò imminet, DEUS, in adversarii pectus tui flammæ amoris, ut indè calenibus lachrymis & fraudes innumeras, & tam horrendam eluat calum-niam.

Arguis nos, Denuntiator, conspirationis adversùs CHRISTI Ecclesiam. Exigere, credo, non potes, ut tibi fides habeatur dicenti, non probanti. Quæ est ista fidei professio, quam loqueris? qui Catechumeni & Neophyti? quæ mysteria reservata penitus additis Ecclesiæ ut vocas malignantium?

~~~~~

## § II.

### Impostura I.

**D**Um Professores ac Doctores Duacenses conspirasse dicis adversùs Ecclesiam, complecteris Ex. D. Gilbert: nisi complectereris, Doctores non diceres, nam ex aliis quos Thesim approbasse memoras unus dumtaxat Doctore est. Dic, amabo, ad quid conspiravimus nos cum dicto Eximio Gilbert? Aliud, quod dicas, non habes, nisi ad approbandam Thesim in 7. articulos distributam. Undè probas conspirasse? an fortè ex eadem approbationis schedâ? At diversam ipse satis indicas. An saltem è tenore Approbationis datæ? Diversus & ille est, ut ipse refert. An denique ex litteris ultrò citròque scriptis à Professoribus de Approbatione dandâ ad Ex. D. Gilbertum, ab Ex. D. G. lberio ad dictos Professores? At nullas profors, neque proferre potes. Hæc impostura prima.

~~~~~

## §. III.

### Impostura II. Pag. I.

**E**N altera. Professoribus Duacensibus, ut novis Apostolis, tribuis Proselytos, Catechumenos, Neophytos. Qui sunt illi? eos nomina, aut patere,

patere, ut rursus te hic calumniatum dicamus. Non sufficit proferre D. de Ligny, qui nobiscum 7. articulis subscripsit: nam is & unus est, & à Catechumenis distinctus, utpote cui commissa sint arcana, ut loqueris, illius Ecclesiæ mysteria. Igitur ut aliquem habeas numerum, adjungere te oportebit quatuor aut quinque alios, quorum Approbationem 7. articulis datam refers, quos possis vocare Catechumenos, Neophytos, Profelytos. Verum quam affers probationem aliquid hæc in re eos egisse nostro impulsu? Totum, Lector, volve libellum, & nullam reperies. Sic orbi illuditur.

Quæres, cujus igitur inductu subscripserint isti alii? R. non inductu Ex. D. Gilberti uti nec nostro: sed totum hæc Pseudo-Arnaldi dolis peractum est. Indicatum iis, subscripsisse duos Professores Duacenos, additæ explanationes nostræ in charta à thesi sejuncta; quibus visis crediderunt posse thesim sano sensu accipi, adedque & ipsi subicribi posse.

Ut verò pateat, quam hinc omnis abfuerit conspiratio, lubet stricim commemorare quæ gesta sunt.

Posteaquam ea persuasio, qua credebatur D. de Ligny Philosophiæ Professor sibi cum D. Arnaldo esse per litteras colloquium, altas in ejus animo radices fixerat, ut refert latius D. Arnaldus in sua Querimonia ad Illustrissimum Episcopum Atrebatensem, Impostor Arnaldum mentiens addit litteras, quibus rogat ut Thesim quamdam approbemus Mechliniæ, ut fingit, propugnatam; scribit Thesilli, & illius Præsidis periculum imminere à Censura Archiepiscopali, triumphaturos Augustinianæ doctrinæ & gratiæ per se Efficacis adversarios, nisi Augustinianam Thesim fulciant Theologi approbationibus, quæ Archiepiscopum à proposito revocent; jam tum haberi aliunde plurimas, quibus nostram addi percuperet. Thesim probavimus explicatam eo modo quo post dicturi sumus, hanc rem prorsus nesciente Ex. D. Gilberto. Ferrur ipse postea uti & quidam alii Thesim eandem probasse, sed nobis quidem ita planè insciis, ut approbasse ipsum & alios in libello nominatos, partim demum ex ipso libello famoso didicerimus, partim non multo ante quam in lucem ederetur, cum scilicet Impostor fugam ac larebras suasissent, quas innocentia suæ conscientia fretis persuadere non potuit, hoc est sex circiter mensibus postquam Approbationes datæ sunt. Quodque hic dicimus de Ex. D. Gilberto jurati declaravimus Illustrissi. Episcopo Atrebatensi.

Nota insignem altum Authoris Libelli: Approbationem D. Gilberti præmittit quamvis tempore posteriorem, ut tempore & exemplo nobis præiisse videretur. Quin imò nec veretur fingere nobis notam fuisse D. Gilberti & aliorum Approbationem, dum nos dicit speciali quâdam Approbationis formâ supra alios eminere voluisse. Quomodo scivimus quod solum futurum erat & futurum nemo dixerat? Nisi forte dicat nos hic Prophetas extitisse, qui futura tanquam præterita viderimus.

De alio actu jamjam certior fio. Videri possint in unâ & eâdem schedâ

subscriptisse alii: at non ita accidit. Sic enim scriptum volebat Impostor, ut aliud aliud lateret. Hunc in modum scribit ille ad quemdam ex aliis Approbatoribus: *faites je vous prie, mes complimens à... Je le pense assez bien intentionnez pour appuier aussi la verité de son Approbation... Vous me ferez plaisir de luy faire écrire encor une copie de cette Thèse & de la luy faire souscrire separement, parce que par fois il est necessaire de produire l'une sans l'autre.... Voici si vous n'en pourrez pas user de même à l'égard de quelqu'un de vos amis, que vous connoissez, attachez fortement à la verité, & qui sont du dernier secret. Mais pour lors il est convenable QU'ILS NE SÇACHENT PAS A PARLER L'UN DE L'AUTRE.*

## § IV.

## Impostura III. Pag. I.

**A**D aliam quam ibidem in nos evomit calumniam veniamus. Mysteriorum narrat, quæ dicit iis reservata, qui novæ sectæ sunt prorsus addicti. Si hæc conferas cum iis quæ præmittit formulæ, ut vocat, 12. articulorum, nihil evidentiùs, quam per mysteria eos 12. articulos designari, quibus refert subscriptisse D. de Ligny. Nihil item evidentiùs, quam hos attribui Professoribus Duacensibus, dum dicit ea mysteria reservari urique à nobis, quos novos Apostolos nuncupat. Faretur interim solum Philosophiæ Professore de Ligny huic subscriptisse. Unde ergo, Impostor, eam nobis formulam attribuis? nimirum suspicatus es nos eadem omnia sentire. Hoccinè, quæ non cogitat malum, suggerit charitas? Hoccinè æquitas patitur? Quæ tandem innocentia calumniæ moribus eximetur, si quod suspicari hiberit, de hoc intrepidè liceat proximum accusare? tantum autem abhorret à vero, quod de ea formula nobis affingis, ut ne ipsa quidem nobis, neque aliis, ut audio, visa aut nota fuerit donec in libello vidimus.

Verum, inquires, aliquo saltem fundamento nixa est illa suspicio. Imò vero adeo nullo ut nemo hætenus vel mediocri iudicio præditus non viderit huius accusationis inanitatem. Nè tamen probationes decisse videantur, fragmenta citas quarundam litterarum, ubi dicimus optare nos ut liceat loqui quomodo Augustinus locutus est. Hincnè conclusis tribui possentiam 12. articulorum formulam? non vident, credo, Philosophi nostri hanc consequentiam: sed novam debuisti, Impostor, comminisci Dialecticam, ut novam demonstrares Ecclesiam. Neque hic modo stupendum ac novum te præbes Dialecticum, sed cum pluribus aliis locis, tum Pag. 89. ubi ut hoc probes de nobis quod paulò ante pag. 88. dixerat: *Tout le parti est animé de cet esprit de revolte & d'emportement, refert scribentem Dominum de Ligny: Monsieur de Laleu & Monsieur Rivette... sont aussi fort étonné de cette nouvelle Bulle; Bullam intelligit Alex. VIII. qua 31. articulos proscripsit. Plurimum fallor, si illam consequentiam, vel tueri ausis, vel credas ipse legittimam.*

gitimam. Liceat explorare, an credas. Fare, quid censes de plurimis qui mirati sunt Bullam Innocentii XI. qua proscripsit propositiones 65. ? an omnes illi rebelles?

Quid ergo sincerum ac non fucatum expectet lector a te, visis his Sophismatis tam apertis, & quando prima ipsa pagina tam insignibus leatet calumniis?

Ne tamen posteaquam tanto cum strepitu bellicum cecidisti, turpiter cedere receptui debeas & arena excedere, hoc saltem contendens negare non posse nos, quin fidei novam Professionem unâ amplexi fuerimus. Negamus certè; siquidem quam probavimus doctrinam, ut Augustinianam probavimus & orthodoxam, non ut fide credendam: perperam ergo fidei professionem appellasti.

Nefariè autem conspirasse nos & aliquid adversus Ecclesiam esse molitos, nescio quam veri speciem id haberi possit.

Nobis nihil tale præscientibus per dictum D. de Ligny offertur Thesis rogatu D. Arnaldi approbanda: approbamus explicatam cò sensu, quo explicari posse credimus: De aliis in approbationis societatem attrahendis nihil cogitamus. Hoccine est nefariè conspirare adversus Ecclesiam?

Ex his concludo unum superesse, cujus nos reos peragere coneris, nimirum quod Thesis erroneam & damnata continentem dogmata probaverimus. Hoc igitur quod unicum jam obijci potest refellendum superest.

§. I.

## CAPUT SECUNDUM.

Ostenditur ex iis quæ approbationem Theseos antecesserunt minimè dubitandum, quin approbata fuerit Thesis in sensu orthodoxo à Professoribus Duacensibus.

### §. I.

Subscripserunt Professores Duacenses ex corde sincero formulæ ab illustriss. Episcopo Atrebatensi conceptæ adversus quinque famosas Propositiones.

**S**I aliquot abhinc annis sincerè & ex corde subscripsimus formulæ ab illustriss. Episcopo Atrebatensi conceptæ, qua oppositis conclusionibus Thomisticis rejiciuntur ac damnantur quinque famosæ propositiones ab Innoc. X. & Alex. VII. proscriptæ, si in ejusdem formulæ sententia permansimus, non est credibile nos occasione simplicis Theseos, cui nullæ adjunctæ rationes erant à nostrâ sententiâ ad hæresim esse abducos. At sincerè & ex corde ei formulæ subscripsimus, & in ea permansimus. Igitur istud credibile non est.

Solam minorem mihi probandam existimo: sit tamen mihi probanda est,

&c



& non potius exigendum ab eo qui nostram sinceritatem impugnare voluerit , ut oppositum probet.

Probare interim non grav. bor. Ecclesia non indulget suspicionibus , recipit etiam fidei confessiones ab aliis, quos ad illas minis adigit , neque propterea credit parum sincerās. Quāto igitur id pleniùs credere debet, dum nihil ad Fidei Professionem urget , & tamen ad illam faciendam ultro acceditur ? Negonium agebatur unius Ex. D. Gilberti : neuter nostrum à quoquam impellebatur , ut fidem suam circa materiam de Gratia & Libero Arbitrio exponeret. Si aliquid damnati dogmatis in corde aluissimus , an adiissimus sponte Illustr. Episcopum Atrebatensem ? Præcessit Ex. Dominus de Laleu, cujus relatu didici formulā ab eo conceptā Thomisticè exponi propositiones quinque oppositas famosis quinque damnatis : adique & ego Illustrissimum post aliquantum temporis nemine prorùs impellente. Rogavi ut liceret videre formulam , cui Ex. Dominus de Laleu subscripserat , quā lectā ; non aliam , inquam , doctrinam hausi in Academiā Lovaniensi : lubens ei formulæ subscripsero , nè quis fortasse quod à D. Gilberto Canoniatu donatus sim , me in aliquam suspicionem vocet , tametsi ea levi fundamento nitere-tur. Hæc ita acta esse novit Illustriss. Episcopus Atrebatensis. Hic quæro rursùs , an ita ultro aliissimus , si formulæ opposita hæresis mentibus infunderet ? Putas Episcopos Arianos , qui in Concilio Nicæno formulæ fidei contra mentem subscripserunt , ne sedibus suis pellerentur , si Nicæa abfuissem , si non eos Concilium , non metus amittendarum sedium impulisset , sponte Nicæam convolatuuros fuisse , ut formulæ subscriberent , quam in animo damnabant ? Subscripsimus igitur sincerè formulæ Illustrissimi Atrebatensis , quā ultro , quia à nemine adaçti. Eam in subscribendo sinceritatem confirmat quod ferente occasione omnia formulæ consentanea in scholis dictavimus. Vide quæ in conclusionibus nostris referuntur ad concl. 7. quæ ex D. de Laleu , & ad concl. 5. de me. Sed quid his opus ? cum ipse author libelli fragmentum citet cujusdam epistolæ D. de Ligny ubi dicimur passim in scholis loqui de Gratia & lib. Arb. juxta phrasim Thomisticam , en verba pag. 68. *M. de Laleu & Mr. Rivette en enseignant & en expliquant dans les écoles publiques ils se servent ordinairement des façons de parler des Thomistes touchant la Grace.*

Quæ cum ita sint , cui dubium esse possit , si thesifanum aliquem sensum pareretur , prout patiebatur , quin in eo potius Thefism acceperimus quàm in alio.

### §. I I.

Confutatur objectio prima adversus sinceritatem duorum Professorum Dussènsium.

**U**Ti atq̃e profitetur non esse delusum à nobis Illustriss. Episcopum Atrebatensem , prout nec ipse delusum credidit ; ita libenter diluimus quicquid adversus sinceritatem nostram objectum est. 1. Ob-



1. Obijcit denunciator me illibenter uti termino *gratia sufficiens*, ac sollicitè addere particulam alienantem *sensu Thomistico*, adeoque non nisi fidè profiteri me Thomistis consentire in materiâ de Gratia hujus status. R. Eodem me jure hanc consequentiam negare, quo negaret Ex. D. Steyaert, si quis idem de ipso inferret eo quod, ut ipsemet testatur, se eidem nomini *gratia sufficiens* ostenderit iniquiorem ob notionem Molinianam quam ultrò ingerit & addit: assert. contin. concl. 2. *nunquam ego nomine gratia sufficientis simpliciter utor nequidem apud peritos*. Certè parum honorificè de doctrinâ Thomisticâ sentit, qui eam alligat usui istius vocis *gratia sufficiens*, quem Recentiores quidam Thomistæ contra antiquam & hodieque vulgarem ejus significationem invexerunt. An non Thomistica censura nostra? An non Thomistæ periti illi inter Thomistas ut scribit Lemos loco in conclusionibus nostris citaro, qui existimant parum congruenter auxilium illud vocari *sufficiens*, quod jam *sufficiens* vocatur *sensu Thomistico*? Rectè Contentonius tom. 5. c. 8. diss. 2. cap. 2. qui posteaquam refellit Montalrium expositulantem cum recentioribus Thomistis de abusu vocis *gratia sufficiens* veluti agnoscens se quoque refellentem refelli posse, addit quod si iterum contendas nos malè loqui vel abuti terminis, respondebo cum Augustino lib. 1. contra Cresconium cap. 13. *cum res ipsa intelligitur, minus laborandum est, quid iam hominibus vocare placuerit*.

Instabis ex hoc ipso August. loco: quid ergo causæ, cur illibenter quis utatur voce *gratia sufficiens*, ac sollicitè addat particulam *sensu Thomistico*? R. 1. Cum populus omnis aliter accipiat eam vocem, periculum esse potest, ne dum illa à scholis ad concionatorem cathedras transfertur, populus etiam ut fidei doctrinam gratiam suscipiat Molinianam, cui haud ægè persuadebitur illam esse verè sufficientem, non item illam quam Thomistæ sufficientem vocant,

2. Ex eo quod *gratia* ad agendum excitans *sufficiens* vocetur, accipi inde occasio potest ut quis Deo quidem tribuat quod sit excitatus, sibi autem quod excitanti gratiæ fuerit obsecutus.

3. Denique accidere potest ut quem maxime orare oporteret ad obtinendum à Deo charitatis augmentum, tamen is orandum sibi non putet, eo quod ad bene agendum excitatus hoc ipso *gratia sufficiens* dicatur instructus.

Ne autem inanis hæc formido videatur, quia Catholici in genere agnoscunt omne bonum esse à Deo, de Catholicis ac Sanctis loquitur Aug. libro 2. de pecc. merit. cap. 19. *Idcirco (Deus) inquit, Sanctos & fideles suos in aliquibus vitiis tardius sanat, ut in his eos minus, quam implende ex omni parte justitiæ sufficit delectet bonum... commendans gratiam suam, ne facilitatem in omnibus affectus nostrum putemus esse quod ejus est*. Audis timeri posse, ne nostrum putemus esse quod ejus est? qui error, inquit, multum est religioni pietatique contrarius.

Undè congruentius videtur accepisse vocem *sufficiens* Augustinus rum

hoc ipso loco, tum aliis, ut lib. de Grat. & lib. Arb. cap. 15. ubi de eo qui imperfectè & non planè vult mandata Dei servare, ore, inquit *ut habeas tantam voluntatem, quanta sufficit ad implenda mandata.*

Hæc non eo dicta sint quo prætrahere velimus non uti voce *gratia* sufficiens sensu Thomistico, cum ipsâ utamur; neque quo putemus non posse hæc incommoda quæ proferimus vitari multis saltem adhibitis cautionibus, quas etiam adhibendas monet Ex. D. Steyaert in notis ad nuperum Alex. VIII. decretum pag. 12. verum ut pateat nihil esse in isto litterarum fragmento quod tantoperè exagitari mereatur. Non alia mens præcipuis Academicæ Lovaniensis Doctoribus, qui dùm loquuntur de Gratia sufficienti sensu Thomistico, addunt: *quam malumus vocare excitantem.*

### §. III.

#### Confutatur objectio 2.

**O**bjicit 2. me significare in Epistolâ quâdam alienum me esse à Prædeterminatione physica: igitur formulæ Thomisticæ de Gratia non ex animo subscripsisse. Itanè denuntiator, rursus lubet imponere? conformiter principiis Augustini distinguendis auxilia utriusque status naturæ integræ & lapsæ prædeterminationem physicam non admitto ad actus bonos in statu naturæ integræ uti neque ad ullum materiale peccati; verum eam admitto ad actus bonos in statu naturæ lapsæ. Non aliud habet epistola mea, cujus fragmentum citas. Redde integram; tuamque illa imposturam, ac meam probabit sinceritatem, meque consentire Thomistis in eo quod præcipuum est, cum in statu naturæ lapsæ simus, non in statu naturæ integræ; cum de Gratia hominis lapsi præcipuum sit adversus Molinistas certamen, cum deniquè in formulâ quinque famosis propositionibus opposita omnia ad statum lapsæ pertineant.

Non est, crede mihi, status naturæ integræ, non est materiale peccati, non sunt actus naturales id quod præcipue sollicitos habet Thomistas. Audi Contensonium tom. 5. lib. 8. dissert. 1. cap. 2. illud etiam diligenter observari amo, quod licet sententia de prædeterminatione ad actus naturales atque etiam ad materiale peccati tanquam probabilior à Thomistis eligatur, non ita tamen ab illis traditur, ut ex præmotione ad actus naturales vel ad materiale peccati pendeat veritas illa cardinalis salutis necessaria. Generalem quippè prædeterminationem admittunt dumtaxat Thomistæ ut probabilem secundum rationem naturalem & non ut necessario cum fide Catholica connexam. Gratiâ vero per se efficacem tenent ut conclusionem Theologicam ab Augustino & Aquinate clarissimè traditam & post articulos fidei omni exceptione majorem in praxi & veluti ultima dispositione definibilem. Unde etiam si nulla ad actus merè naturales vel morales physica prædeterminatio admitte-

admitteretur, eam tamen in ordine supernaturali ad reâ Christianèque vivendum admittendam contendimus, generalitque præmouionem ideo solum astringimus ut per eam ad gratiam per se efficacem uberius fortiusque stabiliendam viam muniamus, ad eamque propugnandam serviat etiam Philosophia. Quare Gratia per se efficacis assertionem unice quærimus, unice intendimus. Undè, ut optime Alvarez l. 3. de Auxiliis disp. 24. num. 27. observavit, Thomistarum nonnulli Deum præmovere ad actum peccati etiam ut actus est, inficiati sunt, quamvis ad unum omnes Gratia victoris & per se efficacis omnipotentissimam potestatem à prævisione scientiæ mediæ independentem constantissimè asseverant, & de illa processit olim coram Clemente VIII. & durat adhuc Patres Societatis inter & Dominicanos disputatio.

Addidi in litteris me non repugnare quin ea prædeterminatio ad omnem omnino actum in Collegio cui præfectus sum tradatur, quin serveat pro more adversus Molinæ asseclas de ista Prædeterminatione bellum. Contra insurgis & propemodum crimini vertis, quod eam sententiam quam falsam credo tradi permittam. At probabilis est & veram putant Philosophiæ Professores, quorum ingeniis ac sententiis dominari non debet Collegii Rector.

Facetus tibi videris, dum ais: sic quæ tolli nequeunt, tolerantur Romæ lupanaria. Hæcne seriò? Non crediderim. Itane delicatus sis, ut si quæ propositio probabilis etiam in materiâ purè speculativâ tibi falsa videatur, eam illico perinde ac infame lupanar averseris? si ita est, vehementer tibi suadeo, nè Collegio Philosophico unquam te præfici velis, aut sinas. Quid enim ageres, cum vix ita possint inter se consentire Philosophiæ Professores, quin saltem in aliquo contradictoria sentiant? nam cum necesse sit contradictoriarum alteram esse falsam, nunquid tunc falsitas etiam censuram toleranda foret.


## §. IV.

### Confutatur objectio 3.

**O**bjicitur 3. Professorum Duacensium utrique in votis est loqui posse ut Augustinus locutus est. Satin sanus es, qui hoc objicis? dic apertè; quid inters? Hoc nempe: igitur non sentiunt quæ Thomistæ. Cur ita? Puras ergo à Magistro dissentire discipulum, ab Augustino Thomam? non sic Alex. VII. qui in brevi ad Theologos Lovanienses Thomam Augustino junxit, vocans *utrimque & inconvulsa* AUGUSTINI & THOMÆ *dogmata*. His nos utriusque dogmatibus adhaerere sic profiteamur ut in quibusdam Augustinianâ phrasi videatur magis congrua; quod de Gratia sufficienti jam superius diximus.

Proponitur objectio 4. sequentibus capitibus diluenda.

**D**Emum obijcitur Theſim nos approbaſſe formulæ Illuſtriſſimi Epiſcopi Atrebatenſis contrariam, imò damnata illa continentem dogmata, quæ ipſa formula ejurat: Igitur non ex animo illi ſubſcripſiſſe. R. Theſim nos approbaſſe eo ſenſu qui neque damnatus ſit, neque contrarius formulæ Illuſtriſſimi. Quod ex ſequentibus capitibus patebit.



## C A P U T T E R T I U M.

### De Approbatione Theſeos.

#### § I.

Scopo Authoris Theſeos expediebat ut Theſis eſſet æquivoca.

**N**O. ius eſt quam ut multis probari debeat unam eandemque propoſitionem poſſe ita diverſos pati ſenſus, ut in uno ſit hæretica, in alio orthodoxa. Id probat Auguſtinus lib. de Hæreſibus exemplo Coluthianorum & Florianorum, quorum illi damnati ſunt, quod dicerent Deum non facere mala: iſti etiam proſcripti, quia è contrario Deum creare mala pronuntiabant. Errabant Coluthiani negantes Deum irrogare mala poenæ. Errabant Floriani docentes Deum creare malas naturas & ſubſtantias. Igitur utraque propoſitio: *Deus facit mala, Deus non facit mala*, hæretica erat & orthodoxa diverſo ſenſu. Utraque in uno ſenſu hæretica, quia utraque ut talis damnata; utraque item orthodoxa in alio ſenſu, quia utraque contra dictoria propoſitionis hæreticæ.

Similiter illam propoſitionem: *Unus è Trinitate eſt paſſus* rejecit Hormiſdas Papa, nempe acceptam in ſenſu Eutyſchianorum, quaſi Verbum in naturâ divinâ paſſum diceretur. Eandem in ſenſu uſitato acceptam quinta Synodus ut Catholicam definivit.

Sic denique teſte Athanaſio de Synodis in Concilio Anthiocheno contra Paulum Samolaſenum verum eſt aſſerere Chriſtum eſſe conſubſtantialem Patri (nempe ſecundum humanitatem) contra in Concilio Nicæno adverſus Arium definitum eſt Chriſtum eſſe Patri Conſubſtantialem (nempe ſecundum Divinitatem) unde Arianis eam contrarietatem obijcentibus reſponder Athanaſius, Patres Anthiochenos à Nicænis minimè diſcrepare in rei poſita. Itaque nemini mirum videri debet, ſi nobis objectam contrarietatem ſimili modo diluimus, dicamſque uno ſenſu Theſim contrariam eſſe formulæ

maux Illustrissimi, alio in quo solo approbavimus contrariam non esse.

Certe scopo Authoris Theſeos expediebat Theſim eſſe æquivocam, cum Author non fuerit, ut dicebatur Profeſſor aliquis Seminarii Mechlinienſis, qui eam propugnaret; ſed Impoſtor, qui nobis laqueum ſtruebat. Enimverò Theſis, niſi æquivoca eſſet, nobis quidem laqueus non eſſet. Bono aliquo ſenſu intelligi poſſe oportebat, ut poſſet capere; malum item aliquem præferre debebat, ut irretire poſſet & conſtringere.

## §. I I.

### De explicationibus Approbationi junctis.

**V**idebamus Theſim utrique ſenſui eſſe obnoxiam. Quare licet Pſeudo-Arnaldus, quem verum eſſe arbitrabamur aſſereret Theſim à Lovanienſibus, Pariſienſibus, & Erudiſſimis totius Europæ Theologis, item à pluribus Galliæ Epiſcopis non tam approbatam eſſe, quam magnificis decoratam elogiis, tamen non niſi orthodoxè explicatam approbavimus. Quo ſane argumento inviſſimè oſtenditur niſi nos erroris in animo foviſſe. Theſim autem nos explicaviſſe & ut hic infra ponimus, judicium cuique conſuſioni ſubjunxiſſe, nemini jam dubium eſſe debet, cum provocatus Impoſtor qui explicationes noſtras recepit alias non proferat. Recepiſſe aliquas conſtat ex iſtis datæ ab eo epiſtolæ verbis: *les approbations de nos Meſſieurs de Douay ont été d'un merveilleux ſecours pour la Theſe en queſtion: mais leurs explication & leurs éclairciſſement n'a pas été bien reçu, parce que l'on a crû qu'ils vouloient faire la leçon & qu'ils ſembloient ſuppoſer, que les juges n'avoient point aſſez, de lumière pour en pénétrer tout le ſens.*

Quam verò explicationes ſint orthodoxæ vel ex eo colligere licet, quod Impoſtor videns ex ejuſmodi Theſis explicatæ approbatione niſi haberi, quo poſſet nobis negotium faceſſere, aliam mox per litteras expenit, cui explicationes adjunctæ non eſſent. Hic aliquantum hæſimus ancipites num Arnaldo hoc ut abſque mora præſtaremus expoſcenti obſequeremur, & hæc inter nos: quædam in Theſi duriora ſunt, poſſent intelligi non ſano ſenſu: Verum, inquiebamus, etiam ſano intelligi Theſis poteſt, imò debet ab illis, qui ſenſum noſtrum & explicationes noſtras viderunt. Illis autem ſolis promittebat oſtendendam Pſeudo-Arnaldus Approbationem noſtram.

Quæ hic dicuntur duæ approbationes in iſtis circumſtantiis pro una haberi debent, prout & dicit D. Arnaldus in querimonia prima: *dans ces circonſtances, que l'on a marqué, ces deux ſignatures ne doivent paſſer que pour une, & la première eſt une preuve manifeſte qu'ils n'avoient ſur la grace que des ſentiſſiments Orthodoxes & conformes à la Censure de leur Faculté, puis que c'eſt ce qui leur étoit venu naturellement dans l'eſprit étant préſé de ſigner des Propoſitions tournées malicieuſement pour les ſurprendre, lors même qu'un fourbe, qu'ils prenoient pour un homme très-ſincere les aſſûroit, qu'il les avoit fait approuver par beaucoup d'habiles gens.*

Itaque approbationem nostram mutilam exhibet Denuntiatio, dum explicationes supprimit ad quas in istis circumstantiis ipsa referebatur.

At inquit R. P. Payen, nuperus Rector Jesuitarum Duacensium à nobis in jus vocatus coram Illustrissimo Episcopo Atrebatensi præstito, ut sit, antequam responderet, juramento, dixit se originalia acta, quorum meminit libellus *Lettre à un Docteur de Douay*, habuisse in manibus, at non habuisse, neque vidisse se ullas explicationes. Ficta sunt ergo quæ de datis explicationibus nos dicimus. Verùm quis non videt, quàm infirmum hoc sit argumentum? Cùm Impostor illas potuerit sibi retinere tanquam scopo suo inutiles, imò noxias. Quis scit an non illicd ut recepit, flammis dedit? Credibile tamen est retinuisse, ut si quid in iis mutassemus, posset nos confutare. Non desset mendacium Impostori homini illarum mercium tam diviti, quo fraudem reget, fingeret explicationes illas seriùs ad manus suas venisse. Dic, age Pseudo-Arnalde, num iota unum aut apicem unum mutaverimus. Prodi tandem, quid lares de Ecclesia tam benè meritis? Eo quod occultam cuperemus approbationem nostram, confici hinc putas nos nobis malè fuisse conscios: an non times, nè & tu tam sollicitè fugitans lucem reus habearis? Cur nos quidem occultam cuperemus Approbationem nostram, en causa. Meritò nolle poteramus, ut proferretur Approbatio ab explicationibus avulsa, arque ostenderetur iis qui illas non viderant, nam etsi Thesis bono à nobis sensu esset intellecta, ramen malo etiam sensui erat obnoxia. Deinde sciebamus id quod de Gratia sufficienti in Thesis dicitur, nempe nullam dari gratiam sufficientem distinctam ab efficaci, ejusmodi esse ut alibi parere aliquam offensionem posset, Mechliniæ autem non deberet, eo quod *ly gratia sufficiens* in Academia Lovanienti, ubi Professores omnes Mechlinienses Theologiæ operam dederunt, accipiat in illa significatione, quam habet in Censuris Lovanienti & Duacensi & quæ alibi Thomistis hodie minùs est usitata.

Audire videor nobis hunc in modum obstrepentem: recurritis perpetuò ad explicationes, dicitis Thesis vos non probasse nisi explicaram; in approbatione posteriori vos intellexisse Thesis eo sensu quo à vobis explicata fuerat: dicite, si quis dixisset Christum non esse in Eucharistia humana in forma spectabilem, an postea approbare posset eam propositionem, quæ diceretur Christum non esse in Eucharistia, eo prætextu, quod sensum suum autem explicasset, intelligeretque non esse Christum in Eucharistia humana in forma spectabilem. R. Toto hic cœlo aberraret; toto item cœlo à nobis distaret. *Humana in forma spectabilis* additum huic propositioni: *Christus non est in Eucharistia*, restrictio est, non explicatio. Hæc propositio *Christus non est in Eucharistia humana in forma spectabilis* non potest dici explicare sensum hujus, *Christus non est in Eucharistia*. Illa sensum habet restrictum: hæc non restrictum. Hinc illa vera est, hæc falsa & hæretica. At verò has quas subjungimus explicationes nostras approbationi præmissas, non restrictiones



ationes esse, sed reverà explicationes quibus exponitur sensus, quem propositiones habere poterant & debebant apud eos. quibus istæ explicationes fuerant exhibitæ, ex Capite quarto petebit.

## EXPLICATIONES A DENUNTIATORE OMISSÆ

CUIQUE CONCLUSIONI SUBJUNCTA.

INSCRIBEBANTUR THESES *ad Mentem D. Augustini*  
*irrefragabilis Gratia Doctoris.*

### T H E S I S P R I M A.

**G**RATIAM efficacem nec semper, nec omnibus dari probat omnium Theologorum consensus & quotidiana tot peccatorum experientia. Illam necessariam esse, ut quis verè & propriè possit opera bona exercere, tentationes superare, &c. fatetur, quisquis in traditione Ecclesiæ, in Augustino, aliisque sanctis Patribus peregrinus non est.

### J U D I C I U M.

**H**Æc Thesis, quâ dicitur gratiam efficacem necessariam esse, ut quis verè & propriè possit opera bona exercere, doctrinam continet Augustinianam & Evangelicam, intelligendo de potentiâ complectente omnia necessaria ad agendum. Ita accipit Augustinus loquens de Petro *Putabas se posse, quod se velle sentiebas.* Lib. de Grat. & Lib. Arb. Ità Christus in Evangelio Joannis cap. 15. *sine me nihil potestis facere*: sine me, uniusque operante velle & perficere.

### S E C U N D A.

**I**gitur qui gratiam aliquam sufficientem ab efficaci distinctam in hunc amissæ innocentiae statum invehunt, mirum quantum ab Augustini mente deficiunt, qui naturæ integræ gratiam sufficientem tantum, lapsæ verò efficacem tantum attribuit. Hæc si indubitata Augustini principia vel minimum concutias, tota cælestis illius doctrinæ compages solvatur necesse est.

### J U D I C I U M.

**D**OCTRINA est verè Augustiniana, rejiciens pro statu naturæ lapsæ gratiam sufficientem Molinisticam, de quâ intelligi hanc secundam Thesis patet ex tertiâ. De eâ sic Estius noster in cap. 3. Apoc. vers. 20. *Quam gratiam sana doctrina non recipit.* Vide censuram Duacensem ad assertionem secundam.

T E R -



## T E R T I A.

**A** T quid de Gratia sufficiente sensu Thomistico? Minus displicet, quia, nisi velis hallucinari, particulam includis alienantem, & nebuloso tempore occuendis gratiæ Evangelicæ mysteriis est peridonea. Interim cum vox illa & res voce expressa Augustino & purioribus Ecclesiæ sæculis ignota fuerit, illam merito ex sancta Theologiâ relegendam judicamus.

## J U D I C I U M.

**P** Rorsùs aptandum foret, ut *ly sufficiens* numquam isto significato in Scholâ inductum fuisset, quo multi utuntur Thomistæ, quia reverà aliud exprimere videtur, quàm ipsi significare velint. Tamen enim sufficiens dici possit ad posse aliquod propinquius, quàm est posse naturæ, tamen reverà ad agendum sola non sufficit. Unde melius Censura nostra Duacensis ad assertionem secundam sufficiens auxilium dicere illud, præter quod ex parte Dei non est aliud necessarium, & confundit cum gratia efficaci. Hinc benè dicit Thesis, quod notio gratiæ sufficientis, etiam sensu Thomistico, ignota fuerit Augustino & purioribus Ecclesiæ sæculis ad salvandam libertatem, utpotè non necessaria: tamen si fatendum sit eam nihil officere veritati, dummodò Molinianâ significatione omninò exuatur.

## Q U A R T A.

**P** Eccatum Philosophicum infelix radix est, in depravatæ Ethicæ Seminaris pridem occulte adolescens; mox ubi erupit, vaticana sensit fulmina, varique errores infallibilis connexionem cum detestando illo dogmate concatenati, quasi surculi in radice, eodem ictu prostrati sunt.

## J U D I C I U M

**H** Uic Thesis neminem esse opinamur, qui refragari possit.

## Q U I N T A.

**H** Ec est damnata propositio: Peccatum Philosophicum in eo, qui Deum ignorat, non est offensa Dei; pergo ulterius: si offenditur Deus qui ignoratur, non excusat ergò à peccato ignorantia; adeoque tot studii & contentionibus agitata quæstio Pontificio oraculo manet decisa, videlicet quod nulla ignorantia, saltem in jure naturæ, excuset à peccato.

## J U D I C I U M.

**D** Octrina asserens nullam ignorantiam juris naturæ excusare à peccato, uti non excusat in peccato quod vocant Philosophicum, est sana; nec obscurè

obscure tradira à SS. Augustino, Bernardo, Thomâ & plurimis antiquis,  
ac melioris notæ Theologis.

Job ni iup, ead. nro da

manal manib. Job

## S E X T A.

**S**ed quomodo cum illa peccati Philosophici censura conciliari potest bicornis voluntatis indifferentia & Aristotelicæ libertatis definitio: Libertas est potentia, quæ positis omnibus ad agendum prærequisitis, potest agere & non agere: cum utique non possit tam vitari, quam non vitari ad quod ignoratur? Cuius ad sensum divisum & compositum, aut ad indifferentiam iudicii confugas; vana enim sunt illa neotericorum effugia, declinandas Semipelagianorum terculamentis male adinventa. Satiùs igitur nobis videtur, & Sancti Augustini principiis conformius ejusmodi libertatem in flexibili ad libitum voluntatis indifferentia, & in expedita a. rumlibet potentia consistentem post peccatum Adæ prorsus rejicere.

## J U D I C I U M.

**N**egar hæc Thesis ad libertatem in hoc statu requiri bicornem illam ad utrumlibet indifferentiam, nempe; ut loquitur, expediam, quâ animus in bonum æquè ac in malum se flectere possit, quasi semper habeat receptam & suo nutui obsecundantem gratiam, ac meritò id negat, cum in ignorante Deum aperre illa desit. Neque possumus necessarium confugere ad sensum compositum & divisum, neque ad indifferentiam iudicii, cum absque istis Beatus Augustinus, & Duce Augustino Ecclesia, omnia adversariorum tela retuderit, & concordiam libertatis cum gratiâ plenè defenderit.

## S E P T I M A.

**I**nferes illud necessitatem induci in actiones humanas. Apage inania illa confectaria centies ex famosis quinque propositionibus perperam accersita, & centies explosa. Necessitatem quidem naturæ & immutabilitatis in hoc viatoris statu abhorremus; aliam verò quamlibet necessitatem nihil est quod reformidemus, Duce Augustino de civitate Dei lib. 5. capite decimo: Si autem definitur necessitas, secuudùm quam dicitur necesse est ut ita sit aliquid vel ita fiat, nescio cur timeamus nè nobis auferat libertatem. Hanc necessitatis cum libertate concordiam deinceps agnoscat, quisquis Catholicè sentiet, & pestiferam peccati Philosophici doctrinam ferid ejurabit.


## J U D I C I U M.

**H**æc Thesis quam justè adhorret necessitatem naturæ & immutabilitatis tanquam libertati exitiosam, tam meritò admittit alias necessitates ut libertati nihil officientes, quales sunt illæ, quas vocant scholastici infallibilitatis, consequentiæ, ex hypothesi &c. qualem admittit Innocentius I. ad Concilium Carthaginense dum dicit: Necesse est ut quo auxiliante vincimus, eodem rursus non auxiliante vincamur.

E

Ha,

His proinde Theses sic intellectas, prout etiam intelligi debere credimus ab omnibus, qui in doctrinâ Augustini non planè sunt hospites, judicamus doctrinam sanam & irreprehensibilem continere.



## C A P U T   Q U A R T U M.

Ostenditur sigillatim in sensu orthodoxo septem Theses conclusiones explicari potuisse.

### §. I.

De primâ Conclusionem Theses.

**Q**UAMVIS verè & usitatus dicatur gratiam efficacem non esse necessariam ut quis verè & propriè possit bona opera exercere, ac tentationi resistere; id nullatenùs obstat, quominùs in sensu orthodoxo explicari poterit quod dicit Thesis Conclusio prima: gratia efficax necessaria est ut quis verè & propriè possit bona opera exercere, ac tentationi resistere. Non enim magis sunt hæc contradictoriæ, quam illæ priùs memoratæ: *Christus est consubstantialis Patri: Christus non est consubstantialis Patri*, prout illam probavit Synodus Antiochena; hanc definivit Nicæna. Quia ut ibi vox *Consubstantialis*, ita hic non uno modo accipitur vox *posse*. Thesis explicatur de posse consequentiæ, seu posse completæ, omnia necessaria ad agendum: quæ verò ei contradictoria videtur de posse antecedentiæ. Utramque propositionem clarè explicatam completitur tertia Undecim Conclusionum nostrarum.

Ex hujus tamen Approbatione Theses concludit Author libelli tradi à nobis Præcepta Dei esse impossibilia; dùm ita in nos detonat pag. 40. *pendant qu'on publie avec la dernière insolence, que les Commandemens de Dieu sont impossibles*. Tantisper, precor, Rhetorem exue, & brevi me responso dignare. Nonne idè id dicis, quia ex Thesi sequitur, gratiâ efficaci destitutum non posse bonum opus exercere ac tentationi resistere, quod autem non possumus, hoc impossibile dici debeat? at ego evidenter tibi ostendo, non Augustino; non celeberrimæ Censuræ nostræ Duacensi, non Sedi Apostolicæ eadem esse quæ tu proisdem habes. Quid ad hunc syllogismum?

Nihil quod præcipitur à Deo est impossibile:

Aliquid quod, juxta phrasim Augustini, non possumus, præcipitur à Deo: ergo

Aliquid, quod juxta phrasim Augustini non possumus, non est impossibile.

Consequentia est ineluctabilis, syllogismus est in serio omnibus numeris absolutus. Major est indubitata huic æquivalens famoso Augustini effaro,

DENS

*Deus impossibilia non jubet.* Minor ejusdem est Augustini; & quæ tibi in oculis incurrere debuit, si modo eam Augustini sententiam vel in ipso vel in Tridentino, quod suam fecit, vel alibi citatam, integram legisti. Ita enim Augustinus: *Deus impossibilia non jubet, sed jubendo monet facere quod possis & petere quod non possis.* Audin, *petere quod non possis?* Ergo quædam non possumus juxta phrasim Augustini, non idè tamen impossibilia. Et ne qui cavillari possis, en tibi tres Augustini sententiæ, unde planè convinci debeas. Ipse S. Doctor qui generaliter asserit Deum impossibilia non jubere, idem tamen dicit libro de Gratia & Lib. Arb. cap. 15. *ad hoc valet quod scriptum est: si volueris conservabis mandata, ut qui voluerit & non potuerit, nondum se planè velle cognoscat;* cap. 16. *idè jubet aliqua quæ non possumus, ut noverimus quænam ab illo petere debeamus;* & cap. 17. ejusdem lib. *qui vult facere mandata Dei & non potest, jam quidem habet voluntatem, sed adhuc parvam & invalidam.*

Idem quod te latuit discrimen, agnoscit etiam ac probat Facultas nostra in Censurâ ad assert. 3. Ibi relata Augustini sententia: *Deus impossibilia non jubet, &c.* subjungit: *si autem petentes quidam nondum possunt, quantum minùs possunt non petentes, imò nec petere volentes, nec eum à quo petatur agnoscetes? nec ob id putandum est aliquid impossibile juberi.* Ita Censura nostra, in cujus doctrina Facultas nostra Duacensis superiori anno se perseverare professæ est.

Denique ut ad priorem syllogismum, quo te restrictum video, alterum adjiciam & rursus evidenter tibi demonstrarem illam primæ theos propositionem bono sensu explicari potuisse.

Quidquid à Summo Pontifice Alexandro VII. est approbatum, potuit à nobis innoxie approbari & benignè explicari: atqui dici posse bono sensu; gratiæ efficaci destitutum bene & perari ac tentationi resistere non posse, adeoque bono sensu gratiam efficacem necessariam esse ut quis verè & propriè possit &c. ab Alex. VII. est approbatum, ergo

Id à nobis potuit innoxie approbari, & benignè explicari

Majorem, credo, non negabis. Minorem probant articuli quinque Illust. Episcopo Convenarum oblatis, & per eundem ab Alex. VII. transmissis, ac denique ab Alex. VII. probati. In primo hæc habentur. *De his ergo justis quibus illa magna non adest gratia, licet parva & imperfecta non desit, verè utrumque dici potest, & potuisse illos Dei mandata servare, tentationique resistere, eisdemque alio sensu non potuisse.* Potuerunt enim prorsus, quia non solum Liberi Arbitrii virtutem & gratiam habituales habuerunt, sed etiam gratiam actualem, quæ sufficiens dici potest Thomistarum sensu, qui gratiæ efficaciæ necessitatem supponit.

At quia absente gratiâ efficaci nunquam contingit ut voluntas sicut oportet tentationi resistat, constansque est apud Thomistas dogma gratiam sufficientem et efficaci separatam non complecti omnia ad piè agendum necessaria, idè usitatissima

Script.

*Scripturis Patribusque locutione & Thomistis omnibus probata hoc sensu dici potest justos illos ejusmodi sufficienti gratiâ instructos tentationi, cui succubuerunt, resistere non potuisse, quia nimirum ejusmodi potestatem non habuerunt, quæ completeretur omnia ad agendum necessaria, cum gratiam efficacem ad agendum utique necessariam non habuerint.*

Dicesne forsitan horum quinque articulorum approbationem esse confirmatam. Quid ad vindicias, quas hic exhibuerunt Carmelitarum exalceati 13. Martii hujus anni 1691. conclusione 13. ubi hæc habent: *Illos articulos approbatos esse à Summo Pontifice videtur certum: Hoc quippe testatur Gonetius (tom. 1. Apolog. Thomist. art. 8.) in sua Theologia paulo post impressa, à Theologis Facultatis Parisiensis & Burdigalensis approbata. Hoc testatur Contensonius & Jacobus à Sancto Dominico. Quis credat quoddam Sapientissimi utriusque Facultatis Magistri vivente Pontifice, viventibus Episcopis, ad quos istud Breve erat directum, hoc factum calculo suo probatum voluissent, si Theologorum aliquot commentum fuisset? Quid credat quoddam Contensonius & Jacobus à Sancto Dominico Viri à restrictionibus mentalibus alienissimi tantâ certitudine illud ausi fuissent referre, si esset inventum hominum? . . . . Possumus illud breve in Thebis, nullus contradixit. Proposuimus in disputationibus publicis P. Pinte coram omnibus Jesuitis, confessus est & non negavit. Quare ergo tunc erat verum & jam est falsum? An foris quia vivebat Episcopus Tornacensis (anteâ Episcopus convenarum) & nunc mortuus est?*

Ceterum ne crede nobis necessarium ut operosius de istis articulis tecum disputem. Illud enim abunde sufficit, quod negare aut in dubium revocare nullatenus potes. Illos articulos probavit Gonetius tom. 1. in Apol. Thomist. art. 2. ut doctrinam continentes sanam, orthodoxam, Thomisticam, probarunt Theologi Facultatis Parisiensis & Burdigalensis Gonetii Approbatores, probarunt Contensonius & Jacobus à S. Dominico, quibus adde novem alios ex eadem Familia Dominicana Theologos, qui vel Gonetum vel Contensonium vel Jacobum à S. Dominico approbaverunt. Denique probavit nuperrimè & amplexus est Romæ coram Alex. VIII. Generalis Dominicanorum. Probarunt igitur hi omnes bono sensu explicari posse quod dicit Thesis, gratiam efficacem esse necessariam ut quis verè & propriè possit opera bona exercere ac tentationi resistere. Si illi innocentes quomodo nos rei?

## §. II.

### De secundâ Conclusionem Theseos.

**L**Is nobis intendi potest circa hanc conclusionem potissimum, propter duas quas habet propositiones. Utramque complectitur illa quæ est virtualiter copulativa: Augustinus naturæ lapsæ gratiam efficacem tantum attribuit: æquivaleret enim huic: secundum Augustinum in statu naturæ lapsæ

pfæ omnis Gratia est efficax ; & nulla est sufficiens nempe distincta ab efficaci, ut per se clarum est intelligi debere, & ipsa Thesis exprimit dum dicitur : *qui gratiam sufficientem ab efficaci distinctam in hunc amissæ innocentie statum inuehant, mirum, quantum ab Augustini mente deficiunt.*

Quod ad primam propositionem attinet : *omnis gratia in statu nature lapsæ est efficax*, quis est quem non convincere debeant hanc in bono sensu accipi potuisse tum *Sylvius*, tum Cardinalis *Laurea*, tum denique Eximii ac Doctissimi conclusionum nostrarum Approbatores ?

Falleris tamen si in conclusione quinta inter illas nostras Undecim ubi quærimus, an illa propositio benignè exponi possit, duos tantum numeras qui nobis suffragentur suprà nominatos *Sylvium* & Cardinalem *Lauream*; cum *Sylvius* non tantum se Approbatorem, sed & aliorum Approbatorum nubem quandam exhibeat. Testatur enim dici solere, omnem gratiam esse efficacem, adeoque illam propositionem esse celebre quoddam & pervulgatum Axioma apud Gratias per se efficacia vindices.

An non id Thomistis omnibus probari debet ? qui unanimiter asserunt omne auxilium quod sufficiens vocant comparatione unius actus semper esse efficax respectu alterius, ad quem efficiendum decreto absoluto divinæ voluntatis destinatur. An non postulat, ut hoc bono sensu explicari possit locus qui ad illud probandum offerri consuevit ex II. cap. 55. *Verbum meum quod egredietur de ore meo non revertetur ad me: et unum faciet quicquid volui, & prosperabitur in his ad quæ misi illud ?*

Consistit teste *Goneto* tom. 1. disp. 4. art. 5. §. 3. ad 1 utrumque auxilium tum illud quod sufficiens Thomistæ vocant, tum efficax in motione quadam supernaturali applicante potentias animæ ad actus supernaturales, cum hoc tamen discrimine, quod auxilium sufficiens movet tantum & applicat ad actus imperfectos, qui animam disponunt & præparant ad perfectiores : auxilium vero efficax movet & applicat ad actus perfectos. Cum illos imperfectos motus absolute efficaciter operetur Deus, cur dici non poterit eam motionem quâ mediante illos operatur esse efficacem ? Si omnis motio Dei est efficax, si omnis gratia est motio, cur dici non possit, omnis gratia est efficax ?

Quod si Gratiam sufficientem Thomisticam quidam vocant efficacem secundum quid, id non nisi majoris claritatis causâ faciunt ut istas duas motiones in quibus utrumque dictum auxilium consistit melius distinguant. Ceterum nemo Thomistarum negat gratiam quam sufficientem vocant, absolute esse alicujus effectus productricem.

Fateor, non omnem producit effectum ad quem excitat, & ex antecedente Dei voluntate ordinatur : sed hoc inè impedit quominus efficax dici possit ? Nega igitur gratiam efficacem propositi servandi Dei mandata efficacem dici posse, cum illa ex Dei voluntate antecedente ordinetur & exciter ad perseverantem mandatorum Dei observationem, qui effectus non semper habetur & nunquam nisi per novarum gratiarum accellum.



At enim nonne ex illa : omnis gratia est efficax sequitur hæc : *Gratie interiori in statu naturæ lapsæ non resistitur* quæ est secunda inter quinque famosas ab Innoc. X. & Alex. VII. proscriptas ? Minimè sanè ; cum gratia ad unum actum efficax esse possit inefficax & excitans tantum respectu actus ulterioris, ad quem ex natura sua tendit & ex voluntate Dei antecedente ordinatur. Itaque licet tali gratiæ efficaci non resistatur quoad actum proximum, respectu cuius est efficax, resistitur tamen quoad actum ulteriorem respectu cuius est tantum excitans.

Auguror neminem Thomistarum fore qui non Religioni sibi ducat hanc propositionem *Sylvio*, aliisque Thomistis aded probatam impugnare. Erit fortasse, cum in conclusionibus nostris duplicem veram CHRISTI Gratiam admitramus, qui nos contradictionis arguat. Siquidem probamus istud : *Omnis gratia est efficax*, & dicimus planè oppositum, videlicet : *alia est per se efficax ; alia quam Thomistæ sufficientem vocant ; igitur non omnis efficax*. Gratulor certè mihi, cui jam obijci nihil potest, quin idem *Sylvio* obijci debeat. An credis secum pugnare *Sylvium*, qui eodem ipso loco ubi testatur solere dici omnem gratiam esse efficacem, stabilit divisionem gratiæ in efficacem & sufficientem Thomisticam ? Disce ergo *Sylvio* & nobis vocem *gratia efficax* dupliciter accipi, uno modo generaliter, altero strictè. Strictè sumpta ut distinguitur contra Thomisticè sufficientem, significat gratiam quæ movet & applicat ad actus perfectos, ut supra audivimus dicentem *Gonetum*. Generaliter sumpta significat omnem gratiam, quæ habet aliquem effectum, seu quæ movet & applicat ad actus vel perfectos, vel imperfectos ; & juxta eam significationem ly *gratia efficax* complectitur gratiam efficacem strictè, & gratiam Thomisticè sufficientem. Non sunt igitur hæc duæ contradictoriæ : *Omnis gratia est efficax*, & *non omnis gratia est efficax*, si *efficax* in affirmativa sumatur generaliter, in negativa strictè, cum non sint affirmatio & negatio ejusdem, sive cum non consent eodem prædicato quoad significationem, licet consent eodem quoad vocem.

Ne tamen adhuc cuiquam lubido incesset obstrependi, nostram quæ istius propositionis Approbationem sugillandi, tot illius Approbatores profero, quot habet TRIUMPHUS THOMISTARUM PER PHILALETHEM. Huius quàm multos tum ex Academia Lovaniensi tum ex hac Duacena ! Quos inter Ex. Dom. D. *Jacobus Randour*, *De la Verdure*, de *Betbencour*, alii ex Familiis SS. Dominici, Augustini, Benedicti, Norberti. Etenim PHILALETES opusc. 1. cap. 2. art. 1. post num. 124. reprobat quod junior Molinista probare intendebat, nimirum dari gratiam sufficientem, quæ non sit efficax ; præcipua, inquit, intentio prædicti junioris fuit probare dari gratiam sufficientem quæ non sit efficax. Verùm paucis ostendo longè eum aberrare à veritate Angelica. Igitur PHILALETES censet non dari gratiam sufficientem, quæ non sit efficax, adeoque omnem gratiam etiam illam, quæ sufficiens vocatur, esse efficacem, & longè aberrare à veritate Angelica, qui contrarium tueatur.

Pro



Pro Auctario sit *Neesenius* non ita pridem Seminarit *Mechlinienfis* Præses in quo hæc Thesis propugnata dicebatur, qui in tomo de Actibus humanis tract. 18. quæ est de Gratia dub. 8. eandem propositionem ut veram admittit. Ita enim scribit, *Petes: quomodo omnis gratia interior sit efficax cum inde sequatur propositionem ab Innoc. X. damnatam, nempe hanc, gratiæ interiori nunquam resistitur esse male damnatam? Resp. ( utriusque concessio antecedente ) negando sequelam; solvitque illum nodum eo modo quo nos supra.*

COPULATIVÆ PARS ALTERA EXPLICATUR.

Altera pars copulativæ sit æquivalentis: *Augustinus naturæ lapsæ tantum attribuit gratiam efficacem* est hæc: secundum Augustinum in statu naturæ lapsæ nulla est gratia sufficiens, nempe distincta ab efficaci, quo modo intelligi debere liquet ex oppositione gratiæ sufficientis contra efficacem, tum ex eo quod & ipsa secunda conclusio Theosin initio illud disertè exprimit, dum ( ut adhuc superius relatum est ) sic habet: *qui gratiam aliquam sufficientem ab efficaci distinctam in hunc amissæ innocentie statum invehunt, mirum; quantum ab Augustini mente deficiunt.*

Si hanc gratiam sufficientem ab efficaci distinctam, non restringendo, sed explicando potuimus intelligere, ut intelleximus, sufficientem Molinianum, nostri sunt Thomistæ omnes, cum eorum nemo illam respuat.

Potuisse autem ac debuisse ita nos intelligere sic probavimus in iudicio huic conclusioni subjuncto, ubi dicimus: *doctrina est verè Augustiniana rejiciens pro statu naturæ lapsæ gratiam sufficientem Molinianam, de qua intelligi hanc secundam Thesim patet ex tertia.* Quia scilicet in tertia demum sermo est de gratia Thomisticè sufficiente, ubi quaeritur: *At quid de gratia sufficiente sensu Thomistico?*

Verùm ut id pateat magis, duabus aliis rationibus, duplicique adeo syllogismo demonstro. Primus sit:

Omnis gratia sufficiens distincta à gratia efficaci generaliter sumpta est gratia sufficiens Moliniana. Atqui

Gratia sufficiens, de qua in Thesi, est gratia sufficiens distincta à gratia efficaci generaliter sumpta. Igitur

Gratia sufficiens, de qua in Thesi, est gratia sufficiens Moliniana.

Major probatur: gratia efficax generaliter sumpta sub se comprehendit gratiam strictè efficacem, & gratiam excitantem, quam Thomistæ sufficientem vocant, à qua sanè distincta esse non potest gratia sufficiens, nisi sit Moliniana.

Probatur minor: Gratia sufficiens, de qua in Thesi, opponitur Gratiae illi efficaci, de qua dicit Thesis: *omnis gratia in hoc statu est efficax: atqui gratia eo sensu efficax, quo cum Sylvio, aliis Thomistis ac Triumpho Thomistarum dici potest omnem gratiam esse efficacem est gratia efficax generaliter sumpta. Igitur gratia sufficiens, de qua in Thesi, intelligi debuit gratia sufficiens distincta à gratia efficaci generaliter sumpta. Cum perfectus sit*

fit syllogismus, nemo jam negare possit, gratiam sufficientem de quâ in Thesi, intelligi debuisse gratiam sufficientem Molinianam.

Alterò nunc syllogismo conficio Thesim, quæ gratiam sufficientem à statu naturæ lapsæ removet, non potuisse intelligi de gratiâ sufficiente sensu Thomistico.

Quisquis negat gratiam Thomistico sensu sufficientem esse verè sufficientem, is non potest censeri de illâ agere, dùm loquitur de gratiâ sufficienti absque addito. Atqui

Author Theseos negat gratiam Thomistico sensu sufficientem esse verè sufficientem. Ergo

Author Theseos non potest censeri de illâ agere, dùm loquitur de gratiâ sufficienti absque addito.

Major est evidens: ita quisquis loquitur simpliciter de hominibus, canibus, lapidibus, non censetur loqui nisi de iis quos veros existimat homines, canes, lapides.

Minor item evidens est: nam in tertiâ concl. dicit Author Theseos particulam *sensu Thomistico* esse particulam alienantem respectu vocis *gratia sufficiens*, adeoque negat gratiam Thomisticè sufficientem esse verè sufficientem.

Quod quò sensu verè dici potuerit, vide concl. 6. inter nostras undecim ad calcem hujus scripti editas: ubi quærimus, an particula sensu Thomistico sit alienans respectu vocis *gratia sufficiens*; unde perspicies hoc in sensu non solum vulgari, sed & doctissimorum virorum verè dici potuisse (quamvis ibi alium etiâ afferamus sensum quo id dici non potest) & ulterius inferes: si vulgus omne, si Censura Duacensis & Lovaniensis utroque ad assert. 2. id solum auxilium sufficiens vocat, præter quod ex parte Dei non est aliud necessarium, si hodieque testantur Lovanienses *adherere scholam modernam antiquæ in appellatione gratiæ sufficientis, quo nomine hæc ubique protestatur se illam solum intelligere gratiam, quæ sufficit ut homo agat convertatur &c.* An non potuit Professor Seminarii Mechliniensis Lovanio vicinus, Lovanii Theologiæ Lauream adeptus in eadem significatione ibi usitata accipere vocem *sufficiens*? Quod si potuisse fateris, dic rursùm, an in illâ significatione accipiens istam vocem per gratiam sufficientem ab efficaci distinctam aliam intelligere potuerit, nisi Molinianam?

### §. III.

#### De Conclusionē tertiâ Theseos.

CUr aliquantùm displicere potuerit gratia Thomisticè sufficiens, accuratè id expressum in iudicio huic conclusioni subjuncto, nempe quod gratia excitans eo nomine vocetur, cum propriè sufficiens non sit. Unde

Unde Viri sapientissimi profitentur se, si nunc primum ageretur de eâ voce instituenda ad significandam gratiam excitantem, manibus pedibusque obstitutores. Et Cardinalis *Laurea* opusc. 3. cap. 3. *cum aliis*, inquit, *Viris doctis miratus sum, cur Theologi moderni gratiam illam Divinam, quæ homo vocatur, excitatur, illuminatur, inspiratur ad bonum faciendum, & effectum non obtinet, vocare cæperunt sufficientem ad distinctionem efficacis, quæ semper habet annexum effectum, cum satis non sit ad eum ponendum sicut efficax, quæ in rigore dici deberet sufficiens.*

Cæterum cum dicit Theſis gratiam Thomistico sensu sufficientem minus displicere, satis ostendit sibi non usquequaque displicere. Conforme est iudicium nostrum conclusioni subjunctum, ubi testati sumus eam veritati nihil officere, dummodo Molinianâ significatione omnino exuat; quod quidem fit apud peritos, quando exprimitur additâ particulâ *sensu Thomistico*. Quo sensu autem dici potuerit particulâ alienans respectu vocis *gratia sufficiens*, quorsum hic repetam? habes loco supra citato ad concl. 6. inter nostras Undecim, ubi & habes quò sensu non sit.

Illud præterire non possum, quod denuntiator, ubi retulit me illibenter uti termino *gratia sufficiens*, & dum utor, addere particulam alienantem *sensu Thomistico*, in rebus Theologicis agere me histrionem clamitavit. Est profecto, lugende sannio, ubi hos sales melius colloces. Cur non potius histriones vocas illos, qui servientes tempori & scenæ ita omnem personam induunt, ut ab uno interrogati, an aliquid secundum se liceat, respondeant non licere, idem rogati ab altero licere respondeant, etiam juxta eam sententiam, quam speculativè falsam esse certò sibi persuadent? An non in eos potius quadrat, quod in nos perperam jecisti: *domestici ejus vestiti sunt duplicibus?*

Verùm hi sunt fortè histriones, qui tibi minimè damnandi videantur, uti nec damnandum censebat *Caramuël* eum, qui (ut ipse *Caramuël* loquitur relatus à *Sinnichio* in Vindictiis Decalog. cap. 23. §. 3. num. 6.) *adhæsit commune Gallorum sententiæ* (quæ Reges in temporalibus negat subiectos Pontifici) *Et rogatus: quid si essetis Romæ? Respondit: mutare: ut cum aurâ animus; sentiremus ut Romæ.*

Fateor tamen ejusmodi histrioniam, licet tibi probaretur, me plurimum averfari, & quam falsò pro histrione quocumque habueris. ostendo. Cur illibenter utar termino *gratia sufficiens*, jam superiùs rationes, nî fallor, non planè spernendas ingenuè aperui. Adjicio, quod de se *Ex. D. Steyaert* alias testatus est, me nunquam uti simpliciter, sed additis tantum iis particulis, quæ istam vocem ad sensum Thomistarum determinent. Quid hinc concludis? non igitur, inquires, ex propriâ sententiâ loqueris. Quidni? cum sentiam gratiam Thomistico sensu sufficientem verè sufficere ad id, ad quod sufficere dicunt Thomistæ, nimirum ad posse, sive ad actum primum. Instabis, *sensu Thomistico* est particula alienans: igitur gratia

tia Thomisticè sufficiens non est verè sufficiens. Sit ita, accipiendo vocem sufficiens in vulgari significatione, quia ad agendum non sufficit. Inferes sufficientem me vocare, quam sufficientem esse non censeo. Rectè inferres, si sufficientem simpliciter appellarem; at si appellem additâ particulâ *Thomistarum sensu*, hocinè est loqui aliter ac sentio? hocinè est agere histrionem in rebus Theologicis?

Non possum, quin candidè tibi aliud exemplum proferam, ubi fateor me non dissimiliter loqui. Sentio peccatum veniale propriè esse, contra legem Dei, cum alicui Dei præcepto seu legi verè adversetur, itaque dum dicitur peccatum veniale non est contra legem Dei sensu Thomistico ly *sensu Thomistico* esse particulam alienantem respectu vocis *contra legem Dei*. Idem tamen existimo citra culpam hoc à me dici posse: peccatum veniale non est contra legem Dei *sensu Thomistico*, sed præter, quia peccatum veniale finem & plenitudinem legis, quæ charitas est, non evertit, quamvis libentiùs aliam phrasim usurpem, quâ dicitur absolute peccatum veniale esse contra legem Dei. Nisi me mea vehementer fallit opinio, nemo Theologiæ vel mediocriter peritus dixerit hoc esse agere histrionem in rebus Theologicis, adeoque non in casu priori, cum non tam ovum ovo sit simile, quàm hoc exemplum alteri.

Quam igitur ineptè hic profudisti tot amarulentos jocos, quibus etiàm fratrem involuare visum est, ut aliquid invidiæ mihi conflata in eum derivares. Egregiam vero laudem & spolia ampla parasti, si jocis & calumniis tuis illud etiàm consequare ut ipsi omnem ad potiundum Canonicatu Arienſi sibi collato aditum intercludas.

Reliquum est ut monſtrems, quemadmodum à nobis benignè explicari poterit, quod in hac conclusione Theſeos dicitur, rem voce *gratia sufficiens* expressam Augustino & purioribus sæculis ignotam fuisse.

An ergo ignota fuit Augustino Gratia excitans, quæ est realiter eadem cum gratia sufficienti? R. Ex his quæ habemus in *Epist. ad quemdam Baccalaureum* ita Theſim nos fuisse interpretatos, non quasi ignota fuerit Augustino gratia excitans, sed quia ignota fuisse videtur sub conceptu sufficientis. Sic dum dicit Aug. l. 8. conf. cap. 5. *voluntas nova quæ mihi esse ceperat, ut te gratis colerem, fruique te vissem. Deus, nondum erat idonea ad superandum priorem vetustate roboratam*, gratia bonæ istius voluntatis gratia erat excitans, nec tamen agnita sub conceptu sufficientis, sed sub conceptu insufficientis. Atque ut hujus difficultatis enodationem distinctione usitata clariorem reddam, dum dicit Theſis rem fuisse ignotam Augustino, id intelligo formaliter, id est, ignotum fuit materiale significatum vocis gratia Thomisticè sufficiens sub ratione formali sufficientis. Fateor autem rem voce expressam, secundum materiale saltem, nullatenus ignotam fuisse Augustino. Non est igitur par ratio hujus vocis *sufficiens*, & quarundam aliarum, quas non usurparunt antiqui, ex. g.  
vociſ

vocis *transubstantiatio*: nam res hac voce expressa antiquis tam secundum formale, quam secundum materiale nota fuit. Non est autem mirum, quod formale significatum vocis *sufficiens* sive sufficientiam non attribuerint Patres gratiæ solum excitanti, quia sufficientiam gratiæ nunquam compararunt ad actum primum, sed semper ad actum secundum.

Sic interim expressionem alterius explicavimus, ut nos ipsi eam non utamur. Unde ita dicimus concl. 6. inter nostras undecim: *admittenda est gratia Thomisticè sufficiens saltem quoad rem et voce significatam*, addimus, nempe materiale significatum illius vocis: sive *admittenda est gratia actualis interior excitans. quæ idem est realiter ut dicit Alvarez & communiter alii Thomistæ, quod gratia Thomisticè sufficiens*. Quæ si perpendis, comperies nullam esse contradictionem in his quæ ibi, & quæ dicimus explicando Thesim.

Ita autem Thesim à nobis fuisse intellectam probat explicatio, quam non post approbationem Theseos quæ sivimus, sed quam ipsi conclusioni approbantes subjunximus.

Licet hoc satis sit ut pareat sensum nostrum esse ac fuisse orthodoxum, lubet quædam addere ut appareat illum saltem absque graviori imprudentiæ culpa potuisse Theli per explicationem aptari.

Hujus difficultatis in quâ non agitur jam de fide nostrâ, sed de verborum significatione, cardo in hoc vertitur, utrum per rem voce gratia sufficiens expressam intelligere potuerimus gratiam sufficientem sub ratione formali sufficientis. Ut potuisse videamur, tria quæro.

Primum, an ista vox *gratia Thomisticè sufficiens* accepta pro gratia, quæ Thomisticò sensu sufficit, accipiat pro se ipsa, seu pro ipso sono? Haud dubiè negabis. Igitur accipitur pro re significatâ: nam acceptio vocis est usurpatio vocis pro se ipsa, vel pro re significatâ. Igitur gratia quæ Thomisticò sensu sufficit, & quatenus sufficit vocari potest res per vocem significatâ.

Quæro deinde, an voces *gratia Thomisticè sufficiens*, & *gratia excitans* æquè sint voces synonymæ ac illæ, *ensis* & *gladius*? Negabis iterum, utique quia voces *ensis* & *gladius* prorsus idem significant: *gratia* autem *sufficiens Thomisticè* & *gratia excitans* significant eandem rem materialiter, sed non eandem rem formaliter. Concludo quod prius.

Quæro 3. si herba à sæculis semper notissima hoc tempore comperiat à Medicis præfens esse alicui morbo remedium, an non possit dici remedium illud præfens fuisse incognitum? Fatebere, utique quia quamvis herba nota fuerit, atque adeò materiale illud quod est in remedio, non tamen formale, sive nota non fuit herba ut medica & sub ratione remedii. Igitur à nobis ita exponi potuit illud *res voce expressa* ut crederemus authorem Theseos intelligere rem voce expressam formaliter, sive gratiam excitantem quatenus sufficientem fuisse Augustino incognitam.

Centender quis doctrinæ Thomisticæ fieri injuriam, eo quod sufficientia,

cientia, quam tribuit gratiæ excitanti, dicatur fuisse Augustino ignota. Rectè id contenderet, si acciperemus positivè pro *reprobata*: verùm accipimus negativè ut sit idem quod *non nota*. Fuit itaque ignota quidem sed non reprobata aut impugnata, eò quod Augustinus contra Pelagianos disputans & agens de sufficientia ac de posse supernaturali, ageret de sufficientia perfecta ad actum 2. ac de posse omninò completo.

Instabis: aliquid ergo reperere Thomistæ Augustino ignotum, adeòque etiam Thomistæ debent sibi videri nani gigantis Augustini humeris insistentes, qui plus Augustino videant: quid enim aliud significat istud de herba allatum exemplum?

R. Insulsa prorsus hæc sequela: absit ut iis qui discipulatu illuminatissimi Doctoris Augustini adeò gloriantur, illum attribuam Thrasionismum. Exemplum illud non alium ob finem protuli, quam ut ductu à significatione vocis *remedium* vel *herba medica* argumento ostenderem non omninò absonè illud *res voce gratia sufficiens expressa* accipi potuisse pro significato utroque materiali & formali vocis gratia sufficiens, sive pro gratiâ sufficienti sub ratione formali sufficientis.

Ignota autem fuerit Augustino gratia excitans sub ratione sufficientis; quia in disputatione contra Pelagianos de illa sufficientia ad actum primum à secundo separabilem non agebatur; quis inde inferre possit Thomistas sibi nimium arrogare, quasi quidpiam repererint quod Augustinum fugerit, & ipse velut sub caligine constitutus videre non potuerit? Nonnè plura sunt etiam in materiâ de Gratiâ quæ ab omnibus scholasticis tractantur, & ab Augustino in neutram partem sunt disputata? Quis idcirco dixerit omnes supra Augustinum sapere velle? Itaque, quod præcipuè in causâ fuisse videbatur, cur Authori Theseos displiceret Gratia sufficiens Thomistarum, hoc est, quod licet Augustinus eam sufficientiam, quam tribuunt Thomistæ gratiæ excitanti, considerasset, non videatur tamen unquam gratiam ad actum primum dumtaxat sufficientem vocaturus simpliciter sufficientem. Ex eo id ominari licet, quod gratiam ad aliquid inefficacem simpliciter ad illud inidoneam seu insufficientem vocet.

Hæc hæcenus de explicatione istius propositionis, qua dicitur res voce expressa fuisse Augustino incognita. Prostemur tamen illam expressionem nostram non esse, nosque inhærere expressioni conclus. nostræ 6. inter Undecim, quia pronius est ut per rem voce *gratia sufficiens expressam* intelligatur significatum materiale istius vocis. Unde & dici potest dicimusque inter eos qui admittunt & vocant gratiam sufficientem Thomisticam, & eos qui excitantem vocare malunt, esse quæstionem de solo nomine accipiendò *ly solo* ut tantum excludat rem quæ est materiale significatum, quam rem admitti oportere inter omnes Catholicos convenit.

Ceterum quàm nihil iste sensus quo Theſim explicavimus adverſetur  
con-



condemnationi quinque famosarum propositionum satis nunc manifestum arbitror, quamque hæc Theſeos explicatio prorsus consonet doctrinæ conclusionis nostræ 6. inter undecim ubi concludimus: nullius erroris argui posse eum qui professus ( uti profitemur ) se admittere gratiam interioris actualis quæ dat posse, & cui in hoc statu naturæ lapsæ resistitur, eam excitantem vocare mavult, quam sufficientem.

Fortassis non deerit, qui urgeat vocari oportere sufficientem simpliciter, non additâ particulâ *sensu Thomistico*, ad hoc ut dici possit: gratiæ interiori in statu naturæ lapsæ resisti. Verum quis non videt, quam nullo fundamento? An non illud dictum fuit, prius quam ipsa sic vocaretur? An credidit Augustinus vocandam gratiam sufficientem illam, cui diceret resisti? Imò verò quia resistebat illi, quæ eum ad conversionem inefficaciter excitabat, inidoneam ( hoc est insufficientem ) dicebat ad superandam priorem voluntatem vetustate roboratam.

Nusquam certè Augustinus gratiam imperfecti ad bonum conatus vocat gratiam sufficientem: idem tamen admittit ejusmodi gratiæ resisti. Videtis lib. 8. conf. cap. 9. ubi quærit: *Unde hoc monstrum, & quare istud? Imperat animus corpori, & paretur statim: imperat animus sibi, & resistitur.* Agit August., de hac resistentiâ ex occasione illius, qua sibi ad respiscendum excitato resistebat: quod cum non posset, nisi unâ resisteret gratiæ ad respiscendum excitanti, liquet Augustinum admisisse resisti gratiæ imperfecti ad bonum conatus. Ita enim hanc quæstionem de animo sibi imperante ut velit & resistente, solvit: *sed non ex toto vult: non ergo ex toto imperat: Nam in tantum imperat in quantum vult, & in tantum non fit, quod imperat, in quantum non vult.... non itaque plena imperat: ided non est quod imperat.*

#### §. IV.

#### De quartâ Conclusionem Theſeos.

**D**E quartâ idem quod antè ferimus judicium, neminem esse opinantes, qui illi refragari possit.

#### §. V.

#### De quintâ Conclusionem Theſeos.

**I**N judicio, quod de quintâ tulimus, consultò abstinuimus ab approbandâ consequentiâ, quam per litteras significavimus nobis infirmam videri, satis habentes approbare doctrinam in eâ Theſi contentam de ignorantia juris naturæ ut sanam nec obscure traditam à SS. Augustino, Bernardo, Thoma, & plurimis antiquis ac melioris notæ Theologis, quam etiamnum ut talem approbamus



## De sextâ Conclusionē Theſeos.

**I**Ta dilucidè ostensum est orthodoxè hanc Theſim à nobis fuisse explicatam, ut pluribus id ostendere supervacaneum videatur.

An fortè obijcietur Theſim à nobis non tam explicatam fuisse, quàm restrictam? In quo? Libertatem, inquires, bicornem interpretamini æquilibrium & expeditam. Immo verò ipsa Theſis apertè loquitur de æquilibri: *cum utique*, inquit, *non possis tam vitari quam non vitari id quod ignoratur*. Quasi diceret ut notamus in *Epist. ad quemdam Baccal.* non haberi potentiam æquè expeditam & instructam ad vitandum peccatum, quam est expedita ad non vitandum: talis enim æquè instructa potestas non habetur in peccante eo peccato, quod dicebatur Philosophicum.

Ad hæc ipsa Theſis disertè loquitur de Indifferentiâ expeditâ, dum dicit: *Satis igitur nobis videtur & S. Augustini principiis conformius ejusmodi libertatem in flexibili ad libitum voluntatis indifferentia & in EXPEDITA ad utrumlibet potentia consistentem post peccatum Adæ prorsus rejicere.*

Fallum hoc quidem & damnandum, si vocem *expedita* accipias prout illam explicamus Conclus. 10. inter Undecim nostras; debet enim admitti (ut ibi admittimus) indifferentia voluntatis ad utrumlibet hoc sensu expedita etiam in hoc statu naturæ lapsæ, quia verè in utrumlibet ferri potest voluntas, adeoque expedita est ab impedimento auferentis potestatem ad utrumlibet. Si tamen vocem *expedita* accipis, ut explicamus conclus. 11. hoc sensu quod potentia æquè feratur facillè in bonum ac in malum; haud dubium, quin negare oporteat cum Augustino remanère post peccatum Adæ indifferentiam sic expeditam.

Isto autem sensu intelligere nos potuisse indifferentiam expeditam, claret ex loco Augustini in Conclus. 11. allato ubi dicit: *Ignorantia & infirmitas vitia sunt, quæ impediunt voluntatem, ne moveatur ad faciendum opus bonum. Nonne qui voluntatem impeditam asserit, expeditam negat?* Sic autem à nobis fuisse intellectam convincitur ex judicio illi à nobis subjuncto; Ita enim habet: *Negat hæc Theſis ad libertatem in hoc statu requiri bicornem illam ad utrumlibet indifferentiam nempe, ut loquitur expeditam, qua animus æquè in bonum ac in malum se flectere possit, quasi semper habeat receptam & suo nutui obsecundantem gratiam, ac meritiò id negat, cum in ignorante Deum aperte illa desit.*

Enimverò ille ipse sensus est, quo bicornem indifferentiam (ut refert Gouner. Vide Conclus. 11.) Augustinus acerrimè impugnauit. Quod ut clucescat magis, nota secundum Augustinum in statu naturæ integræ semper adfuisse gratiam, & ita nutui voluntatis obsecundasse, ut Adamus non indiguerit oratione ad observandum ullum præceptum. Ita sentit HENRICUS. NOTIS in vindictis Augustinianis cap. 3. §. 6. & probat ex illo loco Augusti-

gustini lib. 6. contra Jul. ubi postquam retulerat illud Apostoli : *Oramus autem Dominum, ne quid faciatis mali*, addit: quod si ita esset in potestate, quomodo fuit ante peccatum, priusquam esset humana natura vitiosa; non utique posceretur orando, sed agendo potius teneretur. In statu autem naturæ lapsæ, ut prosequitur NORIS, illud adiutorium pro omnibus & singulis momentis proximè sufficiens non semper præstò est hominibus; idè scribit ibid. Augustinus: *in hoc agone magis nos Deus voluit orationibus certare quàm viribus*. Hinc quia in hoc statu debilitatæ vires, quia gratia magnis peccatis imploranda, quia illam bene agendi facilitatem amissimus & ingentem ad peccandum pronitatem contraximus, quia denique certabat Augustinus adversus Pelagianos, qui vitiatam esse naturam negabant, & libertatem proreus illæsam tuebantur, ita bisfrontem illam, nempe à Pelagianis assertam, indifferentiam impugnat, ut primâ specie videri posse libero arbitrio iniquior. Sed absit ut vel tantillum iniquus credatur; cùm dicat S. Hormisdas Papa in Epist. ad Possessorem, *de arbitrio tamen libero & Gratia Dei quid Romana, hoc est Catholica sequatur & servet Ecclesia, licet in variis libris Beati Augustini, & maxime ad Prosperum & Hilarium abunde possit cognosci &c.*

Quæ igitur Augustini mens, dum eam definitionem peccati, quâ illud definierat in lib. de 2. animabus esse *voluntatem retinendi vel amittendi quod iustitia vetat, & unde liberum est abstinere*, dicit illam obijcienti Juliano lib. 1. op. imp. cap. 48. esse definitionem peccati illius quod tantummodò peccatum est, non quod etiam pœna peccati? quæ illa libertas, quam admittit in primo peccato, & non in reliquis? Est utique libertas integra, illæsa, vegeta, quam magnam vocat & amissam dicit lib. de Corrept. & Grar. cap. 12. *Posteaquam, inquit, est illa magna peccati merito amissa libertas, etiam majoribus donis adiuvanda remansit infirmitas*. Nec alio sensu Augustini discipulus S. Prosper in Carmine de Ingratis ita canit:

*Arbitrium per devia lapsum claudicat.*

Quia nimirum, quod & voluisse credimus Authorem Theleos inscrip-  
ptæ ad mentem S. Augustini, licet remanserit in statu naturæ lapsæ indiffe-  
rentia voluntatis aliquo sensu expedita ad utrumlibet, non tamen illo qui  
est Augustinianus & satis obviis, atque in iudicio nostro explicatus, quasi  
jam voluntas semper habeat nutui suo obsecundantem gratiam, quemadmo-  
dum (ut sentire Augustinus videtur) habuit in statu naturæ integræ.

Sed an potuit Auctor Theleos rejicere definitionem libertatis: *potentia quæ positis omnibus ad agendum prærequisitis potest agere & non agere*? Ac nolle ut illam quis tueretur confugiendo ad sensum compositum & divisum, item ad indifferentiam iudicii? Quidni? Cum recte LEMOS illam non ex Augustino aut sanctis Patribus, non ex Magistro Sentent. S. Thoma aut Doctore aliquo ex gravioribus, sed ex Almains in suis Moralibus didicerint Recentiores. Deinde indifferentiæ Molinianæ favere videtur. Denique quia indifferentiam æquilibrium, de qua Thesim loqui ostendimus, salvare non possis, neque si  
confugas

confugas ad indifferentiam iudicii, quam alió qui dari admittimus, neque si confugas ad sensum compositum & divisum; quamvis definitionem recipi posse non diffiteamur, ac posse aptari libertati indifferentiæ qualis nunc reperitur, quæ æquilibris non est, benignèque explicari per sensum divisum, ut doctrinæ Augustinianæ & Thomisticæ non adversetur.

## §. V I I.

### De Conclusionem septimâ Theos.

**Q**Uæ sentimus de libertate à necessitate habes Conclus. 7. & 8. inter nostras Undecim. Undè etiam perspicitur æquitas approbationis nostræ & iudicii huic conclusioni subjuncti. Siquidem nemo Catholicorum negat, quin libertas ad merendum & demerendum in statu naturæ lapsæ requisita, quæ est libertas à necessitate, consistat cum quibusdam necessitatibus sic dictis, tamen minùs propriè, quales sunt necessitas infallibilitatis, consequentiæ, ex hypothesi &c.

At inquires: quorsùm illud &c. etiam in iudicio vestro? (nam & hoc nobis objectum est) censetis igitur alias adhuc necessitatis species non pugnare cum libertate ad merendum & demerendum requisita? Censemus sanè, & ità, ut sciamus iterùm Catholicorum neminem nobis repugnaturum. Necessitatem peccandi vocat Augustinus (quæ moralis est, non physica) illam difficultatem abstinendi à peccato quam peccandi consuetudo invehit: ita enim loquitur l. 8. conf. cap. 5. *dum servitur libidini, facta est consuetudo, & dum consuetudini non resistitur facta est necessitas.* Eritnè qui hanc contendat pugnare cum libertate ad demerendum? Deindè admittenda est quædam necessitas peccandi vagè & indeterminatè, quia licet homo in statu naturæ lapsæ possit singula divisivè vitare peccata, non tamen omnia collectivè, nimirum venialia; de quâ necessitate exponit Gonetus illud Augustini contra Jul. *multum erras, qui vel necessitatem nullam putas esse peccandi, vel non intelligis illius peccati esse pœnam quod nullâ necessitate commissum est.* Confirmatque expositionem istam Gonetus ex S. Thoma quæst. 25. de Veritate art. 22. ubi exponens illud Psalmi: *de necessitatibus meis erue me*, ait: *peccata dicuntur necessaria in quantum non possunt vitari omnia, quamvis possint vitari singula.* Nequè istam arbitror necessitatem quiscquam dicet libertati ad demerendum esse adversam.

## CAPUT QUINTUM

## §. I.

Sintne Professores culpandi, quod Thesim æquivocam explicarint & approbarint ?

**T**HESIM non tantum alicui malo sensui esse obnoxiam, sed & aliquò bonò explicari potuisse, haud equidem, ut existimo, inficiabuntur, qui explicationes nostras & caput superius legerint. Neque id obscurum est ex Conclusionibus nostris Undecim, quas Eruditissimi Theologi approbarunt. Siquidem tum in ipsis, tum in responsis, quæ subnectuntur ad quæstia vel objecta perspicitur sensus ille orthodoxus, in quo Thesim explicavimus.

At, inquires, pessimam Thesim ac detestandam non semel vocat D. ARNALDUS: igitur æquivoca non est, sed talis, quæ malo tantum sensu intelligi possit. Miror certè ab ullo qui vel levi oculo cum aliqua saltem tenui mentis attentione *querimoniam* D. ARNALDI legerit, id concludi potuisse, cum sit evidens D. ARNALDUM pessimam ac detestandam Thesim vel ideò præcipuè vocare, quia æquivoca est, & pessimo dolo ad fallendum fabricata. Nonnè ipse æquivocam sæpiùs dicit, nostrasque explicationes orthodoxas ?

Imò verò Thesim, quodd æquivoca esset, jure meritò à nobis explicatam esse & approbatam confirmat ex eo, quodd propositiones æquivocæ quamvis durius sonent, dum à viris Catholicis quorum doctrina suspecta non habetur, putantur essetæ, benignè exponi soleant ac debeant, idque variis exemplis comprobatur. Hæc prima ratio Thesim explicandi ac probandi.

Accedebat alia, quam ex D. Hennebel Doctor Lovariensis non ex sua tantum, sed etiam ex præcipuorum è Collegiis suis sententià exponit, nimirum ne propositiones æquivocæ Censuræ æquivocæ proferberentur; *malumque malo accederet*, dum Censura Canonica quæ controversiarum deberet esse finis, fit earundem copiosius Seminarium, idco ceteri cum Collegis suis nos rem præstitisse Professoribus orthodoxis dignam; dum ira sollicitè providebamus, ne quiddamvis sana doctrina pateretur = Hæc ille in litteris ad me datis, editis ad calcem Epistolæ ad quemdam Baccalaureum, quas nec pigebit hic etià integras subijcere.

*Admod. R<sup>do</sup> ac Erud.<sup>mo</sup> Domine.*

**T**andem apertum est quodd latebat, erupit virus, detecta est fraus, didicimusque Thesim nullam Machinam editam, sed ab impostore confictam esse. Semper

per mihi suspecta fuit *Thefis* illa, sed maxime postquam mihi scripsistis jactari Duact pluribus illam *Lovanii* *Mecbliniæque* probari, cum tamen nulla illius bis in partibus mentio fieret. *Ægrè* admodum ulli *Discipulorum S. Augustini* audebam eam adscribere, in qua tot elati præcipitisque animi specimina notabam, aded ut indiscreti cujusdam zeli fœtus magis ostentando ingenio, quam asserendæ veritati in lucem protrusus videretur.

Desiderius vestris obsecutus sum, Collegarum nostrorum præcipuis, quibus ante *Theses* cum subjuncto judicio vestro prælegeram, exhibui posteriores elucidationes vestras, qui diversum planè judicium de *Thesibus* ipsis vestraque censurâ tulerunt. Improbabant olim in *Thesibus* supercilium illud, quo literius quam privatum decet, fratrum suorum fidei dominari, inter *Discipulos SS. Aug. & Thomæ* dissidia serere, receptisque apud plerosque pbrasibus refragari videbatur *Thesis* Auctor, sed non ided minus vestram in illis omnibus temperandis explicandisque modestiam commendabant. In eodem quoque nunc judicio persisunt, hoc præcipue spectantes necessarium planè fuisse propositionum oblatarum sensus Catholicos proferre, cum de iis censurandis cogitabatur. Ita sanè compositis omnes sumus, ut si de iis primùm edendis exquireretur judicium nostrum, censeremus eas esse supprimendas; at si de *Thesium* jam vulgaratum prohibitione ageretur, FACEREMUS QUOD VOS FECISTIS; alia enim primæ editionis, alia est causa, cum de prohibitione agitur *Thesis* jam editæ; cum enim prima *Thesis* editio impeditur, malum omne in origine suâ præfocatur, securisque ponitur ad radicem; at cum *Thesis* ejusmodi jam vulgarata est, quæ æquivocationibus plena, sensibus contrariis est obnoxia, in hoc collimant fideles *Ecclesiæ* filii, nè propositiones æquivocæ censuris æquivocis proseribantur, malumque malo accedat, dùm *Censura Canonica*, quæ non idcirco versiarum deberet esse finis, sit earumdem copiosius *Seminarium*. Ided CENSUIMUS VOS REM PRÆSTITISSE PROFESSORIBUS ORTHODOXIS DIGNAM, dùm audientes septem illis assertionibus imminere *Censuram Archiepiscopi Mecbliniensis*, sensus earum sanos aperuistis, sic nempe sollicitè providentes, nè quid damni sana doctrina pateretur, dùm *Censuræ* auctores sic errores configerent, *censuramque* suam temperarent, ut vel sensum à vobis prolatum exciperent, vel certè si magis peccatum esse censerent in modo loquendi, quam in re ipsâ, castigatâ sola loquendi libertate, perstaret illæsa veritas, loquacitatisque suæ justas pœnas solus assertor præceps persolveret.

Doctrinam vestram tam in singularum propositionum judicio, quam in elucidatione posteriori sanam, censuimus & orthodoxam. Optamus ut brevi lucem videat, testisque sit orbis universus tam benè fundatam esse fidem vestram, ut nè per insidias quidem eam concutere potueris versipellis impostor. Datum *Lovanii* 26. Julii 1692.

Admodum Rev. ac Erud. Domine  
E. D. V.

Humillimus Devotissimusque Famulus

H E N N E B E L  
Sacre Theologiæ Doctor  
in Academiâ Lovanensi.

Verum quid de approbatione nuda, qualem exhibet Author libelli ? R. 1. approbationem illam nudam non fuisse, sed iis fuisse datam circumstantiis, de quibus supra, ut referretur ad explicatio-nes præmissas, & una videri debeat cum priore prout etiam censet considerandam D. ARNALDUS.

Deinde nulla prorsus dubitandi ratio legitima afferri potest, quin eodem sensu approbaremus Thesim, quo antea à nobis explicata fuerat, Etenim non ideo altera approbatio petebatur, quasi sensus quo Thesim explicaveramus displicuisset, sed quod iudices molestè ferient se quodammodo doceri, tamquam si non essent satis perspicaces ad pervidendum omnem sensum quo Thesim poterat intelligi, ut ostensum est supra cap. 3. §. 2. nam explicationes nostras sibi probari significabat Pseudo-Arnaldus ita scribens ad me de illis: *elles sont nettes, judicieuses, elles débrouillent bien ce qu'il y a d'enveloppé dans la Thèse.*

Si quis verò imprudentiæ saltem ac nimix simplicitalis nos coarguat, qui passi sumus nobis illudi, non admodum pugno, tamen si non desunt, quæ istam labem si non abstergere, saltem imminuere possint, ut quod ad nos demùm litteræ scriptæ sunt, quando D. de Ligny, quem sibi prius tentator decipiendum credidit, pluribus jam acceptis litteris nihil ambigebat dari illas à vero D. ARNALDO.

Si qui lubet deceptis insultare, parùm profecto cogitat, quid sibi ab impostore tam callido accidere possit. Lepidum est quod memorat Stapletonius in vita Thomæ Mori cap. 13. de senatore, cuius crumena in pleno con-essu resecta est, instigante Cancellario Moro. Senator ille nimix simplicitatis vehementius arguerat eos qui sibi pecuniam sublaram conquerebantur, cum potiùs in crumenifecis, qui judicandi aderant, exardescere debuisset.

## §. II.

Possintnè Professores, qui Thesim approbarunt, meritò haberi saltem suspecti, tamquam qui doctrinam ab Ecclesia proscriptam in animo teneant ?

Cùm Thesim non nisi in sensu orthodoxo explicatam approbaverimus, quis non videt fore iniquissimam hanc & maximè temerariam suspitionem, quæ nullo niteretur fundamento ? Quin & temeraria foret, tamen si nostra nos fefellerit opinio, qua credebamus eam Thesim sensum nostrum orthodoxum non respuere. *Quand ils se seroient trompez,* inquit D. ARNALDUS, *en croyant que des propositions malignement fabriquées pouvoient avoir des bons sens, tels que sont ceux qu'ils leur avoient donnez dans leur premiere signature, ce seroit une injustice manifeste de leur imputer d'avoir des meschantes sentimens touchant la grace. Cela marqueroit seulement qu'ils n'auroient pas eu assez d'adresse pour developper tous les detours artificieux du fourbe qui les avoit forgéz.*



An fuerunt suspecti Episcopi, qui in Concilio Arimino decepti Ariano-  
rum fraudibus approbârunt Filium Dei non esse creaturam, ut sunt cætera  
creata, arbitrati nihil aliud per hoc significari, quàm Filium Dei non esse  
creaturam, & omnibus creaturis dignitate antecellere? Cùm tamen in ea pro-  
positione, eò quoddã diceretur Christus non esse creatura, ut sunt cæteræ  
creaturæ, manifestè satis Christus intra numerum creaturarum concludere-  
tur. An, inquam, suspecti fuerunt, cùm deceptos se fuisse conquesti fidem  
orthodoxam palam profitebantur?

Quo, ut jure de nobis malè suspicari quispiam possit, qui non pro-  
positiones apertè hæreticas, ut erat hæc, sed Thesim æquivocam quædam at  
non nisi sensu orthodoxo explicitam probavimus, alio sensu intellectam  
palam rejicimus ac damnamus, & insuper tam apertè doctrinam orthodo-  
xam in nostris Undecim Conclusionibus profitemur.

Denique Patris Fulgentii Carmelitæ Calceati apud suos Professoris hæc pro-  
positio censurâ perstricta est ab Illustriss. Episcopo Atrebatensi: *perfecta  
deliberatio ex malitiæ consideratione requiritur ad mortale. Quis autem suspicari  
dictum Patrem tenere in animo perniciosam illam, cujus accusatus fuit do-  
ctrinam, posteaquam sensum suum clarè aperuit? Et tamen nos inter & il-  
lum quantum discrimen!*

1. Thesim in qua ista erat propositio, ille ut suam prælo subjicit, ut  
suam vulgat actuetur: nos Thesim probamus alterius. Quis autem nesciat  
approbati posse alterius expressiones, quamvis ipse Approbator his non  
uteretur? Ut certè constat nos iis non uti, quas Thesis habet duriores, sed  
aliis quas in scholis usurpamus, & habes in Conclusionibus nostris Un-  
decim.

2. Ille propositionem, in Thesi suâ non explicaram, explicavit demùm  
accusatus: nos explicationem approbationi præmisimus.

3. Illius propositio iudice Illustriss. Episcopo Atrebatensi bonum nul-  
lum sensum habere poterat, nisi terminorum significationes immutarentur:  
Thesis à nobis approbata æquivoca est, quæ etiam sensu orthodoxo possit  
intelligi.

Hæc sunt verba Censuræ: *La troisième, parfaite deliberation ex malitiæ  
consideratione requiritur ad mortale: il n'y a pas de peché mortel sans une  
deliberation paisaitre produite par la consideration de la malice (de cette  
action) étant tres-mauvaise & absolument insoutenable dans son sens naturel,  
& dans les termes, où elle est conçue, ou comme parlent les Theologiens in pro-  
prio verborum sensu, & n'en pouvant avoir un bon, qu'en changeant la notion  
ordinaire de ces termes & en les prenant dans un sens qui y soit contraire, nous la  
condamnons comme fautive, scandaleuse & pernicieuse au salut des âmes, & propre  
à fournir aux plus grands pecheurs des excuses pour leurs pechés, & nous desfen-  
dons conséquemment à toutes personnes dans nostre Diocèse de la mettre dans des  
Thèses, ou de la soutenir. Atque ne Professori quandam injuriam irroget, si de  
ejus*



*ejus sensu nihil addat, ita prosequitur : mais nous devons en même temps ce témoignage à la vérité que nous avons trouvé dans le Professeur la même horreur que nous pour cette proposition, lors que nous luy en avons fait voir les affreuses suites ; quo nous n'avons eu nulle sollicitation à lui faire pour l'engager à y donner une explication qui en ôtât tout le venin.*

Eandem nobis iustitiam ab omnibus qui de approbatione nostrâ judicium ferent, exhiberi petimus, ut si quis fortè quâdam Theleos propositiones damnandas censet, primùm sensum, quo damnat, dignetur aperire, deinde mentionem adijcere ne gravetur de sensu orthodoxo, quò Theſim explicavimus, de doctrina evidenter orthodoxâ, quam in Conclusionibus nostris Undecim complexi sumus. Id certè planè confidimus nihil à quoquam damnatum iri, quod non à nobis damnetur, imò quod non antea à nobis damnatum fuerit. Equidem nisi vidissemus Theſim alicui malo sensui esse obnoxiam, haud explicandam credidissemus, ut notum fieret, quò sensu à nobis approbaretur.

## §. II.

Sitnè Approbatio Theſi à Professoribus data, ab ipsis retractanda.

**S**I Retractationis nomine intelligas eam, quâ retractemus sensum, in quo Theſim explicavimus, sive doctrinam illo sensu contentam, procul dubio Approbatio nostra à nobis sic retractari nec debet, nec potest, nec sic retractandam sentit D. ARNALDUS, qui esse orthodoxa center judiciâ nostra & sensum Catholicum in quo Theſim æquivocam accepimus.

At est aliud genus retractationis post explicandum, quo approbationem nostram libenter retractamus ipsis D. ARNALDI verbis :

*Qu'y que nous ne connussions Mr. ARNALD que de reputation, & que nous n'eussions jamais eu aucun commerce avec luy, sçachant les services qu'il a rendus à l'Eglise en la defendant contre les Heretiques, & les temoignages avantageux qu'il a reçeu d'un grand nombre d'Evêques, & du Pape INNOCENT XI. de sainte memoire par Monseigneur le Cardinal CIBO ; n'avions-nous pas tout droit de le regarder comme un Docteur très-Catholique ; Ayant donc crû qu'il avoit eu la bon'té de prevenir l'un de nous par des lettres très obligeantes, & ne nous doutant pas le moins du monde que ce fut un fourbe qui avoit pris son nom pour nous tromper, nous n'avions garde de le soupçonner du moindre mensonge en ce qu'il nous disoit dans ces lettres. Ainsi nous ayans envoyé une Theſe composée de 7. propositions qu'il nous asûroit avoir été soutenûe à Malines, & avoir été approuvée par des Evêques de France, par des Docteurs de Sorbonne & de Louvain, & par les plus habiles gens de l'Europe, peut-on trouver étrange que croiant tout cela, & la fourberie qu'on nous avoit faite nous donnant tout lieu de le croire, nous nous soions conduits de la maniere que nous avons fait ? Ne serions nous pas*

excusables quand nous l'aurions approuvée absolument par une humble deference à tant d'habiles Theologiens, Evêques, & Docteurs qu'on nous aſſûroit l'avoir approuvée avec éloges ? Cependant nous ne l'avons pas fait : ce n'a été qu'en mettant sous chaque proposition des explications & des éclairciſſemens qui en déterminoient les equivoques à des ſens Catholiques. Et la ſignature que ce ſourbe a depuis extorqué de nous par des plus preſſantes ſollicitations, a toujours été par rapport à ces éclairciſſemens. Preſentement le voile eſt levé. Nous ſçavons certainement qu'on nous a trompé ; que M. Arnauld n'a aucune part à ces propoſitions, qu'elles n'avoient été ſoutenues par perſonne, ni approuvées par qui que ce ſoit, mais que c'eſt l'ouvrage d'un fauxſaire qui les a malicieuſement fabriquées pour nous ſurprendre. Que peut-on donc ſouhaiter de nous, que ce que nous faiſons tres-volontiers, qui eſt de retracter nôtre ſignature, & de deteſter cette Theſe, qui ne nous avoit été preſentée que par un organe du Demon.

Si quæris, quod ſit illud genus retractationis ? R. Exemplum præbuit Auguſtinus deceptus fraude Ruſſini. Hiſtoriam reſert Baronius ad annum 410. Ruſſinus Sixti Pithagorici Commentarium à ſe tranſlaum, cui plura è Scripturis divinis addiderat, vulgavit ſub titulo Sixti Romani Pontificis & Martyris. Uſus eſt eo Pelagius, ex eoque præpotentes, ut Baronius loquitur, elicit ſententias, quibus quaſi Rom. Pontificis atque Martyris eſſent, reſultari neſarium duceretur. Ex quibus aliqua à Pelagio citata Auguſtinus tunc ignorans Ruſſini ſtropham in rectum ſenſum interpretando inſectare conatus eſt lib. de Nat. & Grat. c. 64. ſed rem demùm edoctus aperiens Impoſturam, quod dixerat, retractavit l. 2. retractationum cap. 42.

Certum eſt nihil hic doctrinæ ſuæ, nihil ſenſus orthodoxi in quo verba Sixti explicaverat, retractaſſe Auguſtinum : Retractavit tamen explicationem, dùm Impoſturam aperuit, veluti ſignificans ſe jam librum reſpuere, neque velle ampliùs explicationem ſuam ejus ſententiis aptari, per ſe licere, ut ſententiæ libri illius acciperentur in ſenſu non orthodoxo ac rejicerentur.

De Theſi nos ſimiliter. Satis nobis eſt orthodoxo ſenſu fuiſſe à nobis explicatam dum fraus latebat: nunc per nos licet dummodò nè quis ſenſum noſtrum ſeu doctrinam ſenſus noſtri carpat, ut quivis Theſim alio accipiat ſenſu ac rejiciat ; neque aptentur jam ampliùs explicationes noſtræ illis quæ duriora videntur in Theſi, quam nunc liquet à teterrimo Impoſtore eſſe conſtitutam, quam nunc reſpuimus & damnamus in ſenſu quem præcipuè intendit Impoſtor, qui fuit non bonus ille, quo poſſet carpere, ſed peſſimus iſte, de quo poſſet accuſare.

## EPILOGVS.

**I** Am ſentis, Impoſtor, lis latebris quibus abſconſus es, dolos ac calumnias tuas oculi non potuiſſe. Patet modò nullam à nobis adverſus Eccleſiam, ſed à te adverſus nos ſævam eſſe commotam tempeſtatem. Tuum eſt ledare.

re. Redde qui potes ac debes, innocentiae nostrae testimonium, quæ tibi adeo perspecta est, ut tuum ipsius iudicium non defugiam, si modò velis illud sincerè expromere. Sed reddes vel invitus. Scribis contra nos sanè quàm disertè; sed item pro nobis eloquentiùs silere cogeris. Te igitur ipsum in causæ meæ patroum adscisco.

Quis te magis idoneus ad refellendam de nefaria conspiratione calumniam? Dum non modò de nobis nihil nefarium, sed nè hoc quidem probas conspirasse nos ad ullam rem cum Ex. D. Gilberto, vel cum aliis quos vocas Neophytos aut Catechumenos, dum nihil est, quo probare possis, tuo nos silentio cogeris absolvere.

Quis meliùs calumniam de formulâ ut vocas 12. articulorum nobis afficta refellat? Postquam nova mysteria, istam nimirum formulam nobis tribuisti, quid affers, ut hoc tuum orbi somnium persuadeas? Nihil quod quidem refutari mereatur, neque quidquam afferre potes, adeoque dum silere cogeris, pro nobis adversum te tuum eloquentissimè perorat silentium.

Sed cum nos tanquam parum sinceros notas, ô lepidum caput! ô te egregium hujus criminis Denuntiatiorem! Tu scilicet admodum sincerus, qui es tot imposturarum faber: Tu sinceritatis eximium quoddam exemplar (nam tragœdiæ idem esse crederis author & actor) qui tota mendaciorum plaustra literis infercisti, ut nos falleres sinceritati tuæ nimium confisos, qui illam ex nostra metiebamur. Certè non modò tu aptus non es, qui Lectorum animis adversùs sinceritatem nostram aliquid suspicionis ingeneres: sed nec ea apta esse quæ protulisti, judicabit quilibet animo Christianâ charitate aut saltem æquitate imbuto responsionem nostram legerit.

Ad patronum meum revertor silentim tuum. Quis meliùs præcipuam contra nos accusationem de Thesi à nobis approbata refellat, quàm tu silentio? Recole quantum temporis fluxerit ab illo, quo prodit in lucem prima D. ARNALDI querimonia ad Illustriss. Episc. Atrebatensem. Ibi queritur, quòd explanationes nostras tacueris, constat aliquas receptas; si negares, non deest, quo negantem convincamus; quid tu interea? Siles, obmutescis. Forè à nobis immutatae, an non, exhibendo, fraudem aperires? An non omnibus palam faceres? An non contra nos istius auctores fraudis omnia odia concitares? Sic habemus silentio tuo consentientem te datas à nobis Theos explanationes sanas.

Abit ergo in fumos evanida omnis accusationis tuæ machina etiam de secundâ Approbatione Theos data in circumstantiis suprâ declaratis, nisi ostenderis, quod sanè ostendere nunquam possis, alio sensu Thesim tunc nos intellexisse, quam qui antea explicatus fuerat.

Vide igitur quid nobis debeas, quorum famam tam iniquis criminationibus lacerasti, quid Almæ Universitati, ac Sacræ Theologiæ Facultati Duacensæ, cujus honorem graviter læsisti, quid innumeris Libelli famosi lectionibus, quibus maledicentiæ tuæ venenum afflasti, aut certè malè ac temerè

de nobis judicandi vel suspicandi ansam præbuiti, Denique vide & considera quid debeas tibi-ipsi, qui te tot obstrinxisti criminibus: recogita in amaritudine animæ tuæ, quam gravis ea sit calumnia, quâ nos lacerasti, Ignoscat tibi Deus, nescisti quid faceres.

Tibi metuo ab illo qui perdit omnes loquentes mendacium. Oro illum animum ne te male perdat, sed per inspiratam tibi poenitentiam salutariter perdat mendacem ac seruet hominem. Ita olim per poenitentiam salutariter perditæ & eversa, NINIVE, quæ ut scribit Augustinus *Stantibus manibus ac domibus eversa est in perditis moribus*. Ex eadem charitate precor, ut hæc scriptio tibi ad famam nostram refarciendam sit adjumento, quemadmodum futuram spero apud omnes, quibus æquitas cordi est.

## F I N I S.

### APPROBATIONES DOCTORUM.

*Approbatio Eximii Domini GUMMARI HUYGENS S. Theologiæ Doctoris ac Professoris in Academia Lovaniensi, & Præsidis Collegii ADRIANI VI. Pontificis.*

**S**criptum cui titulus: *Justificatio duorum S Theologiæ Professorum Universitatis Duacensæ* utiliter ostendit toti mundo inauditum hæcenus calumniandi modum: & calumnias tres, quarum prima eaque atrocissima est quod dicti Professores conspiraverint ut veram Ecclesiam, quam CHRISTUS in Sponsam sibi delegit, destruerent: secunda in eo consistit, quod Theses quædam æquivocæ à dictis Professoribus præviis certis explicationibus approbatæ contra fidem datam exhibeantur sine istis explicationibus: Tertia est quod iidem Professores suspectæ ac damnatæ doctrinæ potissimum de Gratia & Libero Arbitrio relargantur: quas calumnias cum solidissimè refellat hæc Justificatio, dignam censeo ut prælo publicetur. Lovanii 15. Novembris 1691.

G. HUYGENS  
*S. Theol. Doctor ac Professor.*

*Approbatio Eximii Domini JOANNIS LOVINUS S. Theol. Doctoris ac Professoris in Academia Lovaniensi, & Collegii minoris Theologorum Præsidis.*

**I**USTIFICATIONEM duorum S. Theol. Professorum Universitatis Duacenzæ contra atroces calumnias libelli famosi, cui titulus: *Lettre à un Docteur de Douay &c.* per Eruditiss. D. RIVETTE &c. cum attentione legi & maturè consideravi; eamque reperi dilucidam (& ut iisdem verbis loquar Impostoris famosi relatis alicubi in Justificatione, verum non eodem ut ipse animo, videlicet iniquo & doloso) nitidam, judiciosam, quæ implicata erant benè explicantem, Addam & quidem mirificè benè ac nitidè parique felicitate ac nitore abundè refutat rationes, quas Calumniator adfert, quibus atrocem illam & intolerabilem calumniam stabiliat de molimine, seu consilio ædificandi novam vanæ Ecclesiæ. Quàm vanæ, futes ac infundatæ sint rationes quibus nixitur, præclare demonstrat hæc Justificatio: iisque à me visis mox censui, prout & nunc censeo, Calumniatorem magis compassione dignum, quàm indignatione, aut operosiori refutatione; fabulam enim mihi visus est annuntiare Burgi-fontanæ planè similem eruditus notam & explosam. Faxit Deus ut ejusmodi Calumniatores redeant ad cor. Præfata JUSTIFICATIO sit pro saluari collyrio, quo iste noster liniat oculos suos, ut eos aperiat, & clarè videat & agnoscat injuriam à se Professoribus istis duobus irrogatam. Hoc precor, hoc voveo Lovanii Die 15. Novembris 1691.

JOANNES LOVINUS  
S. Theol. Doctor ac Professor.

~~~~~

*Approbatio Eximii Domini HENRICI DE CHARNEUX S. Theol. Doct. & Profess. Regii in Academia Lovaniensi, ac Præsidis ibidem Collegii Leodiensis.*

**H**Æc Justificatio duorum S. Theol. Professorum Universitatis Duacenzæ contra atroces Calumnias, &c. per Eruditiss. D. PHILIPPUM RIVETTE composita doctrinam continet orthodoxam & sanam, clarè & solidè digestam, serpentinâ prudentiâ & columbinâ simplicitate decoram, cui apud quemque cordatum, imò & omnem passim, quem malitia non excæcavit magna commendatio accedere debet ex latebris inauditisque dolis, quibus eam adversarii concutiunt. Vera enim causæ momenta quæ hic stabiliun-

L

tur

